

ВОЛЬТЕР

ЗАДИГ
ЁКИ
ТАКДИР



Фаранг тилидан

*Муҳаммаджон ХОЛБЕКОВ
ва Раҳим ҚИЛИЧЕВлар таржимаси*

САЪДИЙНИНГ ШЕРОЗ МАЛИКАСИГА БАҒИШЛОВИ

*Хижрий 837 иил шаввол
оийнинг 1-куни*

Сиз фаттон кўзлар соҳибаси, қалблар армони, ақл чироги эрурсиз!

Ҳоки пойингизни тавоғ қилолмасмен, боиси улким, сиз деярли юрмассиз, юрганда ҳам, эрон гиламлари ёхуд атир гуллар узра хиром айларсиз. Камина ўзларича қадимий бир донишмонд китобининг таржи- масин армуғон этмоқдадурмен.

Бу донишманд бекорчилик баҳтига мушарраф бўлгач, унга Задиг саргузаштларини қalamга олиш ва бундан лаззатланиш баҳти насиб этди: китобда, бизнинг назаримизда, айтилмоғи лозим бўлгандин фузунроқ айтилур. Уни мutoола қилмоғингиз ва ўз фикрингизни айтмоғингизни сўрайдурмен: сиз умр баҳори узра бўлмогингиздан, турмушнинг барча ҳуэр-ҳаловати ўзларининг хизматида эканлигидан, тароватингиз ва истеъододингиз гўзал ҳуснингизга янада ҳусн қўшмоғидан, эртаю кеч сизга мадҳ ўқимоқларидан, ушбу сабабларга биноан, ўzlари соғлом ақдга у қадар муҳтоҷ эмасликларидан қатъий назар, бағоят оқила ва нозиктаъ эрурсиз: ўзларининг узун соқолли ва қулоқли дарвишлардан зокийроқ фикр қилганларини ўз қулогим бирла эши-тибдурмен. Сиз ўзни лажомлай олурсиз, бироқ ўзгаларга инонмаслик сиз учун бегонадир, юмшоқ қалбли эрмас эрсангида, бозор эрурсиз, андиша ила бўлса-да, ўзгаларга яхшилик қилурсиз, дўстларни хуш кўрарсиз ва ғанимлар ортиргмагайсиз. Доно сўзларингиз сафрога муҳтоҷ эрмаслар, номақбул нарсаларни асло гапирмагайсиз ва қилмагайсиз, ваҳоланки, бу сиз учун жуда осон эрса-да. Мухтасар айласам, қаябингиз, гўзал ҳуснингиз янлиғ, каминага ҳамиша мусаффо кўринур.

Сиз учун, ҳатто, фалсафа бегона эрмас, бу эрса каминани донишманднинг ушбу рисоласи бошқа заифлардин кўра сизга мақбул бўлур, деб фикрлашга даъват этмоқда.

Ул рисола аввалига сиз ҳам, камина ҳам билмайдурғон қадимий холдай битилиб эрди. Султони машҳур Улуғбек жанобларига мақбул бўлмоғи учун уни араб тилига таржима қилибдурлар. Бу ҳали араблар ва форслар минг бир кечада, минг бир кун ва шунга ўхшаш эртаклар ёза бошлаган замонларда бўлиб ўтган эрди. Улуғ кўпроқ ЗАДИГ ни хуш кўрар, аммо маликалар турли-туман минг бирларни афзал кўрар эрдилар. "Қай алфозда сиз номаъқулчилик ва бемаънилиқдан бўлак ҳеч вақоси бўлмаган латифалардин зафқ олурсиз",— дер уларга доно Улуғ. "Худди шу боисдан биз уларни ёқтирурмиз",— деб жавоб қилур маликалар.

Сиз уларга ўхшамассиз ва ҳаққий Улуғ бўлурсиз деган умид ила ўзимга тасалли берурмсан. Ва, ҳатто, умидворманки, турли минг бирларга ўхшаш, аммо улар каби завқли бўлмаган, одатий сұхбатлардан ҳориган чоғингизда, сиз бирла мулоҳазали сұхбат қурмоқ учун каминага қулагай фурсат топиш насиб этгай. Сиз, мабодо, Файлиқус ўғли Искандар замонининг Фалестридаси ёҳуд Сулаймон давридаги Сава шоҳбуноси бўлғонингизда эрди, ул ҳукмрдорлар сизга таъзим бажо айламоқ учун ҳузурингизга ташриф буюргон бўлур эрдилар.

Шоду хуррамлигиниз ниҳоясиз, баҳтиңгиз сарҳадсиз бўлмогин, ҳусни-тароватингиз сўлим билмаслигин парвардигори оламдин илтижо қилурмсан.

САЪДИЙ

БИР КЎЗ

Бобилда Моабдар подшолиги даврида Задиг исмли бир киши яшарди; унинг табийй мойилликлари тарбия туфайли янада камол топди.

Бадавлат ва ёш бўлишига қарамасдан, у ўз ҳиссиётларини жиловдай олар, ҳеч нарсага даъво қилмас, ўзини ҳаммавақт ҳақ деб ҳисобламасди, ўзгаларнинг заифлигини ҳурмат қиласди. Шунчалик ақли билан у ҳеч қачон бирорларнинг бскорчи, пойма-пой ва шовқинли сафсатаси, қўпол фисқи-фасоди, кўр-кўронга фикр-

лари, бемаъни майнавозчилиги, Бобилда "сухбат" деб атaluвчи қуруқ эзмалиги устидан кулмаслигини кўриб ҳамма ҳайратланарди. Зардустнинг биринчи китобидан шу нарсани билдики, иззатталаблик ҳаво тўлдирилган шар бўлиб, агар бу шарни ёрсалар, ундан довул чиқар экан. Задиг ҳеч қачон аёлларга бўлган нафрати ёки улар устидан қозонган осонгина ғалабаси билан мақтансади. У олижаноб киши эди ва кўрнамакларга хизмат қилишдан қўрқмасди, чунки ўша Зардустнинг "Овқат сканингда итларга ҳам бер, гарчи сўнгра сени қопсалар ҳам" деган улуг ақидасига амал қиласади. У бир инсон қанча ақлли бўлиши мумкин бўлса, шунча ақлли эди, чунки ақллилар орасида ҳаракат қиласади. Қадимги холдайлар илмини эгаллагач, табиатнинг физикавий қонунларини ўша вақтда қанча билиш мумкин бўлса, ўша даражада билди ва метафизикани барча замонлар давомида қанча тушунишган бўлса, шунча, яъни жуда оз, тушунарди.

Ўз даврининг янги фалсафасига зид ҳолда, йилнинг уч юз олтмиш беш кун ва чоракдан иборатлигига ва қуёшининг оламнинг маркази эканлигига қаттиқ ишоннارди. Бош сеҳргарлар ҳақоратомуз такаббурлик билан уни баъдният киши деб аташар ва фақат давлатнинг душманигина қўёш ўз атрофида айланади, йил эса ўн икки ойдан иборат, деб ўйлади, дейишарди.

Задиг ичидагини сиртига чиқармай, сукут сақларди. Катта бойликларга, бинобарин, кўплаб дўстларга ҳам эга бўлган, соғлом, ҳушсурат, ёрқин ақл соҳиби, олижаноб ва соғдил Задиг ҳаётдан бахтини топишга қаттиқ ишонарди. У ўз чиройи, насл-насаби ва бойлиги билан Бобилда биринчи ҳисобланган Замирага уйланиши керак эди. Задиг унга кучли ва нозик ҳиссиётлар билан боғланган, қиз эса уни чинакамига севар эди. Улар орзиқиб кутаётган саодатли кун яқин эди. Бир куни, Бобил дарвозалари олдида, Ефрат соҳилларини брезаб турган пальмалар остида айланиб юрганларида, қилич ва найзалар билан қуролланган кишиларнинг ўзлари томон келаётганларини кўриб қолдилар. Булар вазирлардан бирининг жияни ёш Орканнинг ясовуллари эди. Вазирнинг хушомадгўйлари унга сенга ҳамма нарса мумкин, деб уқдиришганди. Унда Задигнинг саховати, обрў-эътибори бўлмаса-да, ўзини ҳаммадан устун қўяр. Замиранинг ўз рақибига ихлосини кўриб, жунбушга

келарди. Ўзига бино қўйиш оқибатида пайдо бўлган бурашк таъсирида гўё чексиз севаётгандек тасаввур қиларди. У қизни ўғирлашга қарор қилганди. Унинг шериклари Замирани тутиб олдилар. Тўс-тўполон бошланди. Бир нигоҳи билан Имамус тоғлари йўлбарсларини ҳам юмшатиши мумкин бўлган қизнинг қонини тўкишди. Замира фарёд қилиб дод солди:

— Севимли ёрим! Мени сендан жуда қилмоқчилар!

У ўзидан кўра кўпроқ қадрдон Задигдан хавотирланарди. Задиг бу пайтда севгилисими мардона ҳимоя қилмоқда эди. Иkkита қушнинг ёрдамида у Орканнинг шерикларини қувиб юборди ва қонга беланган Замирани уйига олиб борди, қиз ҳушига келгач, халоскорини кўрди ва унга қараб:

— Эй, Задиг! Мен сизни бўлажак умр йўлдошим сифатида севардим, энди эса, сизни номусим ва ҳаётимнинг халоскори сифатида яхши кўраман.

Ҳеч қачон Замиранинг қалбидек миннатдор қалб бўлмаган, ҳеч қачон булардан ҳам мафтункор лаблар бундай ҳаяжонли ҳиссиятларни изҳор этмаган. Бу сўзлар эзгуликнинг энг улуғи ва қонуний муҳаббатнинг энг нозик жўшқинлиги айтилган миннатдорчилик сўзлари эди. Қизнинг жароҳати енгил эди, у тезда тузалиб кетди. Задигнинг жароҳати хавфлироқ эди: найза кўзининг яқинига теккан ва чуқур яра пайдо бўлганди. Замира худодан севгилисининг тезроқ соғайишини тиласди, Задигнинг кўзлари унинг нигоҳларидан завқлана оладиган дақиқаларни кутарди. Лекин жароҳатланган кўздаги яра жиддий ҳавотир туғдирарди. Мемфистга ҳам одам юборишиди, буюк ҳаким Гермесни кўп сонли шогирдлари билан олиб келишди. У беморни кўздан кесира туриб:

— Агар ўнг кўз бўлганда эди,— деди у,— уни даволаган бўлардим, лекин чап кўзининг жароҳати бедаводир,— Гермес Задигнинг қачон ва қай пайтда кўзидан жудо бўлишини аниқ айтиб берди.

Бутун Бобил Задигнинг тақдирига ачинди ва билимдон Гермесга қойил қолди. Икки кундан кейин йиринг ёрилди ва Задиг соғайиб, ҳеч нарса кўрмагандай бўлиб кетди. Гермес китоб ёзди ва унда Задигнинг касалликдан фориғ бўлмаслигини исботлади. Задиг уни ўқимади ҳам: кўчага чиқадиган бўлгач, у ўзини бахтиёр қилишга умид боғлаган қизникига ташриф буюришга тайёргарлик

кўрди. Фақатгина шу қиз учун у кўзларини сақлаб қолишга ҳаракат қилди. Замира уч кундан буён қишлоқда эди. Задиг йўлда бораётib, унинг бир кўзлиларга тоқатим йўқ, деб жирканиб гапирганини ва ўша куниёқ Орканга турмушга чиққанлигини эшилди. Совуқ хабарни эшитиб, у ҳущдан кетди ва узоқ вақт касал ётди. Кунлар ўтиб, ақл айрилиқ дардидан устун келди, ҳатто изтироблар уни юпатишга хизмат қилди.

— Шу нарсани англадимки,— деди Задиг,— саройда тарбия топган қиз бетайин бўларкан, мени оддий фуқаро қизига уйланишим керак". У энг ақлли ва шаҳарнинг энг яхши оиласидан чиққан Азорани танлади, унга уйланди ва бир ой давомида у билан ишқий лаззатлар оғушида яшади. Фақат у хотинининг оз-моз енгилтаклигини ва ёқимтой йигитларга хушторроқ эканини сезди.

БУРУН

Бир куни Азора сайдан газабланиб, бақириб-чақириб келди.

— Нима гап ўзи, азиз рафиқам?— деди Задиг.— Ким сизни бунчалик аччиғингизни чиқарди?

— Мен ҳозиргина гувоҳи бўлган нарсани кўрганингизда, сиз ҳам менинг ҳолимга тушган бўлардингиз. Мен ёш тул хотин Козруни юпатишга боргандим: у бундан икки кун олдин яйлов ёнидан оқиб ўтадиган жилға бўйига ўзининг ёш умр йўлдошини дағи қилған эди. Гам-ғуссада қолган Козру жилғанинг суви қуримагунча бу қабр олдидан жилмасликка худоларга ваъда берган эди.

— Хўш, нима бўпти?!— деди Задиг.— У ўз эрини қаттиқ севадиган, ҳурматга лойиқ экан-ку!

— Э!,— эътиroz билдириди Азора.— Мен унинг олдига борганимда, нима қилаётганини билсангиз эди!

— Нима билан машғул экан?

— У жилғани бошқа ёққа бураётган экан.

Азора ёш бева шаънига кўп таъна — маломатлар ёғдиргани, уни ёмонлагани учун унга маъқул бўлмади.

Азора Задигнинг Кадор исмли дўстини фазилатли ва ҳурматга лойиқ йигитлар тоифасидан деб биларди. Унинг содиқлигига ишонч ҳосил қилгач, Задиг уни ўзининг ишончли кишиси қилиб тайинлади. Азора, қиши-

лоқда дугоналаридан бириникида икки кун меҳмои бўлгач, учинчи кун уйига қайтиб келди. Хизматкорлар кўз ёшлари қилиб, эрининг ўтган кечадан вафот этганлиги, Азорага бу машъум хабарни айтишга журъат қила олмаганиклари ва Задигни боғнинг тўридаги отасининг хилхонасига дафи этганларини айтишди. У йиғлади, соchlарини юлди ва ўлишга аҳд қилди. Кечқурун Кадор уникига киришга ижозат сўради ва улар биргалиқда кўз ёш тўкишди. Эртасига улар озроқ йиғлашди ва бирга овқатлапишиди. Кадор дўсти ўз бойлигининг катта бир қисмини унга васият қилиб қолдирганлигини Азорага маълум қилди ва ўз мулкини у билан бўлиш ўзи учи катта баҳт эканлигига ишора қилди. Хоним кўз ёшлари тўқди, аччиқланди, юмшади; кечки овқат тушликка нисбатан узоқроқ чўзилди, анча очиқроқ гаплашишиди: Азора марҳумни мақтади, лекин унинг нуқсонлари ҳам бўлганлиги ва Кадорда бу нуқсонларнинг йўқлигини тан олди.

Овқатнинг ўрталарида Кадор талоғининг қаттиқ оғриётганлигидан шикоят қилиб қолди. Бундан ташвишланган ва ҳовлиқсан хоним ўзининг атир-упаларини олиб келишни буюрди, улардан биронтаси дардни пасайтирадими деган умидда эди. Азора буюк Гермеснинг Бобилда эмаслигидан жуда афсусланди ва ҳатто унинг қаттиқ оғриётган жойини қўли билан ушлаб ҳам кўрди.

— Сиз бу оғир касалликка мубтало бўлганмисиз?— сўради у ачиниб.

— Бу касаллик неча марта мени гўр ёқасига олиб борди,— деб жавоб берди унга Кадор.— Дардимнинг фақатгина бир давоси бор. Оғриётган жойимга кечак ўлган кишининг бурнини қўйиш керак.

— Жуда гаройиб даво экан-ку!— деди Азора.

— Мақтани даволайдиган жаноб Арнунинг халтасидан гаройиброқ эмас-ку,— жавоб берди Кадор.

Ёш йигитнинг фавқулодда яхши фазилатлари билан қўшилишиб кетган далил-исботлари хонимни бир қарорга келишга мажбур қилди.

“Қил қўприқдан ўтаётганда, Азроил эримни бурнинг калта экан, деб тўхтатмаса керак”,— ўйлади у.

Устарани олиб эрининг қабрига борди. Задигнинг бурнини кесиш учун энгашди: у тобутда узунасига чўзилиб ётарди. Задиг қўли билан устарани четга итариб, ўрнидан турди.

— Хоним,— деди унга,— ёш Козруни кўп уришманг: менинг бурнимни кесмоқчи бўлганлигинги жилғанинг сувини бошқа ёққа буришдан ҳеч ҳам афзал эмас.

ИТ ВА ОТ

Задиг Зенд китобида ёзилганидек, уйланишнинг биринчи асал ойи, иккинчи ойи эрман ойи эканлигига ишонч ҳосил қилди. Энди Азора билан яшаши мумкин эмасди, шунинг учун ҳам у билан ажралишта мажбур бўлди ва ўз бахтини табиатни ўрганишдан қидирди.

"Оллоҳ биз учун нозил қилган буюк китобни ёд билгувчи файласуфдан баҳтироқ киши йўқ",— деб такрорлади Задиг. У ўзи топган ҳақиқат нуридан баҳраманд бўлади, руҳини озиқлантиради ва уни юксакликларга кўтаради: ҳаёти осуда, одамлардан қўрқмайди, ва меҳрибон хотини ҳам унинг бурнини кесишга чоғланмайди.

Шу хаёллар оғушида, Задиг Ефрат бўйидаги қишлоққа келди.

У сенда Задиг кўпроқ равоги остидан бир сонияда неча дюйм сув ўтишини ёки бўлмаса, сичқон йилида қўй йилидагига қараганда бир куб линия кўп ёмғир ёғишини ўрганиши билан машғул бўлмади. У ўргимчак уясидан шойи ясашни ёки синган шишалардан чинни қилишни ҳам ўйламади, аммо асосан, ҳайвонот ва ўсимликларнинг хоссаларини ўрганди ва тез орада бошқалар бир хилликни кўрган жойда у минглаб фарқларни топа олиш малакасига эга бўлди.

Бир куни у бир ўрмон четида сайр қилиб юрар экан, маликанинг ҳарам оғасини кўриб қолди. Уни бир нечта сарой хизматкорлари кузатиб келаётган эди. Улар жуда қимматбаҳо нарсани йўқотган кишилардек ҳаяжонда эдилар, тўрт томонга зир югуришарди.

— Яхши йигит,— деди унга ҳарам оғалардан бири,— маликанинг итини кўрмадингизми?

— Ит эмас, урғочи денг,— деди Задиг камтарлик билан.

— Шундай,— деди ҳарам оғаси.

— Кичкина лайча,— қўшимча қилди Задиг,— у яқиндагина болалаган, олдинги чап оёғи оқсайди, қулоқлари жуда узун.

— Демак, сиз уни кўргансиз?!

— Йўқ,— жавоб берди Задиг,— мен ҳеч қачон уни кўрган эмасман ва ҳатто маликанинг ити борлигини ҳам билмасдим.

Худди шу лаҳзаларда Бобил яйловидаги подшоҳ отларининг энг чиройлиси отбоқарнинг қўлидан чиқиб, қочиб кетганди. Бош отбоқар ва бошқа сарой хизматкорларининг ховлиқиши маликанинг итини қидираётган ҳарам оғанинг ховлиқишидан кам эмасди. Бош отбоқар Задигдан "Подшоҳ отини кўрмадингизми?" деб сўради.

— Йўрға от эдими?— сўради Задиг.— Бўйи беш фут, туёғлари анча кичик, думининг узунилиги уч ярим фут, сувлигининг тўқаси йигирма уч қиротли олтиндандан, тақалари ўн бир динорли кумушдан-а?!

— Қаёққа кетди? Қайси йўл билан?— сўради отбоқарлар бошлиги.

— Мен уни кўрганим йўқ,— жавоб берди Задиг,— ҳатто, у ҳақда эшитган ҳам эмасман.

Бош отбоқар ва ҳарам оғаси Задигни подшонинг оти билан маликанинг итини ўғирлаганликда айблаб, уни Дест рҳам мажлисига зўрлаб олиб келишди; мажлис уни қамчи билан савалашга ва умр бўйи Сибирга сургун қилишга ҳукм қилди. Ҳукм эълон қилинаётган пайтда от билан ит топилгани маълум бўлди. Ҳакамлар ҳукмни қайта кўриб чиқишини ўзларига ор билганликлари туфайли кўрган нарсасини кўрмадим дегани учун Задигдан тўрт юз уиция олтин ундирилсин, дея ҳукм чиқардилар. Задиг жаримани тўлагач, буюк Дестерхам мажлиси ўзини оқлашга ижозат берди.

— Адолат юлдузлари, ақли расолар ҳақиқат ойналари!— хитоб билан деди у. — Сизларда қўроғошин вазминлиги, темир қаттиқлиги, олмос ялтироқлиги билан олтинга ўхшашлиги бор. Менга буюк мажлис олдида гапиришга ижозат берилган экан, Оросмад номи билан қасам ичиб айтаманки, мен маликамизнинг итларини ҳам, подшолар подшосининг табаррук отларини ҳам ҳеч қачон кўрган эмасман. Воқеа мана бундай бўлган эди: ўрмон четида айланиб юрганимда, муҳтарам ҳарам оғаси ва ниҳоятда машҳур бош отбоқарни учратдим. Мен қум устидаги жонивор изларини кўргандим ва уларнинг кичкина бир итнинг излари эканлигини осонгина пайқагандим, шунингдек, итнинг сёқлари орасидаги билин-билинмас узун чизиклардан унинг ургочи эканлигини, елинлари ерга

тегиб туришидан яқинда болалаганлигини билиш мумкин эди. Олдинги иккى оёқлари ёнидаги чизиқлар қулоқларининг жуда узунлигидан, уч оёғининг излари ерга чуқур ботмаганлигидан англадимки, агар шундай дейишга журъат этолсам улуғвор маликамизнинг илари оз-моз оқсоқ эди.

Подшоҳлар подшосининг отлари масаласига келсак, билингиз, бу ўрмон йўлларида сайд қилиб юриб, от тақасининг изларини кўриб қолдим, улар бир-бирларидан бир хил масофада эдилар. Отнинг йўрга экан, деб ўйладим. Кенглиги стти фут бўлган йўлнинг четларидаги дараҳтлардаги баргларнинг чангига йўлнинг ўртасидан уч ярим фут нарида тўкилган эди. Бу отнинг думи уч ярим фут бўлиб, у ўзининг ўнгта ва сўлга қилган ҳаракатлари билан бу чангни супурган, деб ўйладим. Беш фут баландликдаги гумбазни ҳосил қилиб турган дараҳтлар тагида ҳозирги нан новдалардан узилиб тушган баргларга кўзим тушди ва шундан отнинг бўйи беш фут экан, деб хулоса чиқардим. Сувлиқ масаласига келсак, у йигирма уч қиротли олтиндан керак, чунки у чақмоқтошга тўқасини ишқалаган, мен буни ўргандим. Нижоят, бошқа жин-сдаги тошларда қолдирилган излардан унинг тақалари ўн бир динорли қийматга эга бўлган кумушдан, деган хулосага келдим.

Ҳакамлар Задигнинг донолигига тан беришди. Унинг овозаси подшоҳ ва маликанинг ҳам қулоғига стди. Қабулхоналарда, хоналарда ва кабинетларда фақат Задиг ҳақида гапиришар, кўпгина көхинлар уни жодугар сифатида ўтда ёқиш керак, деган фикрни айтишларига қарамасдан, подшоҳ Задигга солинган жарима — тўрт юз унция олтинни қайтариб беришни буюрди. Котиблар, ижрочилар, ҳакамлар унинг олдига қаторлашиб келишиди ва унга тўрт юз унцияни қайтаришди, фақатгина уч юз тўқсон саккиз унцияни суд харажатлари учун чегириб ташлашди; бундан ташқари, уларнинг хизматкорлари ҳам чой чақа сўрашди.

Ўта кузатувчи бўлишнинг ҳам зиёни борлигини Задиг тушунди ва бундан кейин кўрган нарсаси ҳақида лом-лим демасликка ўзига ўзи сўз берди.

Кўп ўтмай бу ҳолат яна такрорланди. Давлат жиноятчиси Задигнинг деразаси остидан қочиб кетди. Задиг буни кўриб турган бўлса-да, пайтида, ҳақиқатни яшир-

ди. Бу жинояти учун у беш юз унция олтин тўлашга ҳукм қилинди.

"Ёруғ дунёда баҳтиёр бўлиш нақадар мушкул!" хитоб қилди у.

БАХИЛ

Задиг тақдир баҳтисизликларига чора топиш учун ўзига маслакдошлар изламоқда эди. Бобилнинг шаҳар четидаги дид билан безатилган уйида барча санъат асарларини йиққан ва пок инсонларга хос ўйин-кулгига берилганди. Эрталабдан кутубхонасида олимлар билан, кечқурун эса сараланган дўстлар даврасида бўларди. Лекин тез орада олимларнинг нақадар хавфли эканлигини билиб олди. Бир куни зардуштийлик динида грифон гўштини ейиш маън қилингандиги тўғрисидаги қонун юзасидан катта мунозара кўтарилди: "Қандай қилиб грифон гўштини маън қилиш мумкин,— дейишарди баъзилар,— агар бундай жониворнинг ўзи бўлмаса?" "Агар зардўштлик маън қилас экан, демак, у бўлиши керак",— дейишарди бошқалар. Задиг уларни келиштиromoқчи бўлди ва деди: "Агар грифон мавжуд бўлса, уни смаймиз, агар у мавжуд бўлса, сира ҳам емаймиз ва шу билан зардўштлик кўрсатмаларига амал қиласиз!"

Грифонларнинг хусусиятлари тўғрисида ўн уч жилдик хитоб ёзган афсунгар бир олим Задигни холдейларнинг энг аҳмоғи ва ўтакетган мутаассиб бош сеҳргарига ёмонлади. У Задигни қозиққа ўтқазиб, қуёш учун қурбон қилиши, зардўштийлик китобини бамайли хотир ўқиб ўтиравериши мумкин эди. Задигнинг дўсти Кадор (бир дўст юз кашишдан афзал) кекса Йеборнинг олдига бориб, деди:

— Яшасин қуёш ва грифонлар! Задигни жазоламанг, эҳтиёт бўлинг: у авлиё, қушхонасида грифлари бор, лекин уларни ҳеч қачон смайди, уни айبلاغан киши мажусийдир, чунки у қуённи панжаларининг айрим-айрим бўлишига қарамай, ҳалол деб ҳисоблади.

— Унда,— деди Йебор кал бошини қимирлатиб,— Задигни грифлар тўғрисида нотўғри фикр айтганлиги учун қозиққа ўтказмоқ, унисини эса — қуёнлар ҳақида ёмон гапирганлиги учун жазоламоқ керак.

Кадор ишни фарзанд билан баҳтиёр этган ҳамда сеҳргарларнинг ҳурматига лойиқ бир қиз воситасида бости-бости қилди. Ҳеч ким қозиққа ўтказилмади. Шу туфайли кўпгина олимлар Бобилнинг таназзули ҳақида миш-мишлар тарқатиши.

Задиг баланд овозда: "Инсон баҳти нақадар мўрт!— дея ҳайқирди. Бу дунёда ҳамма нарса таъқиб қиласиди мени, ҳаттоқи йўқ нарсалар ҳам". У олимларни қарғади ва бундан кейин улар даврасини тарк этишга қарор қилди.

Энди у ўз уйига Бобилнинг энг яхши тарбия кўрган эркаклари ва энг гўзал хонимларини таклиф этадиган, тансиқ таомлар тайёрлайдиган бўлди; кўпинча овқатдан олдин қонцертлар берилар ва қизгин суҳбат авж оларди, Задиг бу суҳбатларда зукколик учун чиранишга йўл қўймасди, чунки зўраки уринишлар закийликни ўлдиради ва энг ажойиб даврани ҳам бузади. Ҳамма нарсада у зохирий кўринишни эмас, амалий ишни ёқтипар, дўст танлашда ҳам, овқат саралашда ҳам шуҳратнарастликни ўйламасди. Худди шу туфайли ҳақиқий, ўзи даъво қилмаган ҳурматга сазовор бўлди.

У Аrimaz деган кимса билан ёнма-ён яшарди. Унинг разиллиги хунук башарасида ҳам акс этганди. Аrimaz закийларнинг энг нодони, заҳар ва такаббур киши эди. Зодагонлар орасида иши юришмагач, уларга тухмат уюштириб аламидан чиқа бошлади. Бой-бадавлат бўлишига қарамасдан, у атрофиға тилёғламачиларни йиғолмасди. Кечқурунлари Задигнинг ҳовлисига кириб келаётган араваларнинг шовқини, унинг номига айтилган мақтов сўзлар гашини келтиради. У бир ҳечча марта Задигникуга келди ва таклифсиз столга ўтиради. У ҳар гал, довул қушининг гушти овқатни бузгани каби, тўпланганларнинг таъбини хира қиласиди. Бир куни Аrimaz бир хоним шарафига зиёфат бермоқчи бўлди; хоним таклифни қабул қилмай, кечки овқатга Задигникуга борди. Бошқа бир куни сарой ҳовлисида суҳбатлашаётib, улар вазирни учратиб қолишиди: вазир Задигни кечки овқатга таклиф қилди, Аrimazга эса илтифот кўрсатмади. Мана шундай майдა-чўйда кўнгилсизликлар, ундаги ҳасрат, алам елвизакларини кучайтиради. Бобилда "Бахил" деб аталувчи бу кимса "баҳтили" деган шарафга сазовор Задигни йўқотмоқчи бўлди.

Зардўшт айтганидек, ёмонлик қилиш учун имконият бир кунда юз марта, яхшилик қилиш учун эса бир йилда бир марта туғилади.

Бахил боғда иккита дўсти ва бир хоним билан сайр-қилиб юрган Задигнинг олдига келди. Задиг бу хонимга ҳеч қандай маълум мақсадсиз ҳазил-мутойиба қиласарди. Гап келиб, қиролнинг ўз вассали, Иркания князига қарши олиб борган урушнинг яқинда муваффақиятли тугаганлигига бориб тақалди. Бу қисқа муддатли жангда ўз жасурлигини кўрсатган Задиг қиролдан кўра хонимни кўпроқ мақтади ва тезгина тўрт қатор шеър ёзиб, хонимга узатди. Дўстлари ҳам ўқиб кўришни илтимос қилишди: камтарлик юзасиданми ёки оддий нафсонаят туфайлими, Задиг шеърни кўрсатмади.

У шеър битилган қоғозни икки буклаб, гул бутоқла-ри орасига отиб юборди. Ёмир томчилай бошлагач, улар уйларига қайтишди.

Бахил узоқ қидириб, шеърнинг бир бўлagini топиб олди. Шеърнинг ярми маълум маънога эга эди ва ҳаттоки у, кичик ҳажмли шеърни ташкил қиласарди: аммо энг ҳайрон қоладиган жойи шунда эдики, унда қирол шахсиятига тегадиган ҳакоратлар бор эди:

Буюқ қабоҳат-ла
Таҳтдаги подишоҳ,
Умумнинг баҳтига
Ягона ганим, оҳ!

Бахил Задигни ҳалок этиш учун далил топилганли-гидан умрида биринчи марта ўзини енгил хис қилди ва шу заҳоти уни подшоҳга жўнатди: Задигни дўстлари билан бирга қамоқقا олишди. Иш судга оширилди. Ҳакамлар Задигни тинглашни ҳам хоҳламадилар. Уни ҳукмни эълон қилиш учун олиб келаётганларида йўл устида турган Аrimaz баланд овозда: "Шеърнинг ҳеч вақога арзимайди", — деди. Задиг ўзини яхши шоир ҳисобламас, бироқ уни подшоҳни ҳақорат қилишда ноҳақ айبلاغанларини ва икки дўсти ва гўзал хонимнинг бундан беҳуда жабр кўрганлигидан умидсизликка тушди. Ўзини оқлаш учун унга сўз ҳам беришмади. Бобилда қонун шунақа эди. Задигни қатл қилиш учун оломон орасидан олиб ўтишди. Ҳеч кимнинг унга раҳми келмади. Кўпчилик унинг ўлимини кўришга ошиқ эди. Фақат қариндош-уруғлари меросдан маҳрум бўлаёт-

ғанликлари, бойликнинг тўртдан уч қисми подшоҳ ва қолган чораги Аримазнинг фойдасига мусодара қилина-ётганлигидан қайфуда эдилар.

Қатлга ҳозирлик кўрилаётганда, подшоҳнинг тўтиси атиргул тўлига қўнди. Шеърнинг иккинчи қисми гул бутоғи орасига тушган шафтолига ёпишиб қолганди. Қуш шафтолини шеър бўлаги билан бирга кўтарди ва келтириб шоҳ тиззасига қўйди. Подшоҳ тахтачадаги ҳеч қандай маъно англатмайдиган сўзларни қизиқиб ўқиди ва улар қандайдир шеърнинг давоми бўлиб кўринди. У шеъриятни яхши кўрарди, тўтининг топилмаси уни ўйлатиб қўйди. Малика Задигнинг унда нима ёзилганини эслади ва уни келтиришни буюрди. Икки бўлакни қўшганларида, улар бир-бирларига бутунлай мос келди ва Задиг ёзган шеърни ўқиши:

Буюк қабоҳат-ла чўлганди замин,
Таҳтдаги подшоҳ чиқарди қонун.
Умумнинг баҳтига муҳаббат тизгин:
Ягона ганим, оҳ, унга Купидун.

Подшоҳ зудлик билан қатлни бекор қилди ва Задигнинг икки дўсти ва гўзал хонимни қамоқдан озод этди. Задиг подшоҳ ва малика олдида тиз чўкиб, бу бемаъни шеър учун уни авф этишларини сўради. У шунчалик самимий гапирдики, шоҳ ва малика уни яна бир кўриш истакларини билдирилар. У яна бир марта қайтиб келди ва янада кўпроқ маъқул бўлди. Бахилнинг мол-мулкини Задигга бердилар, лекин Задиг уларни эгасига қайтарди. Бахил мулкидан жудо бўлмаганилиги учун хурсанд бўлди. Шоҳнинг Задигга ҳурмати кундан кунга ошди. У Задигни ўзининг барча хурсандчиликларига шерик қилди ва барча ишларда у билан маслаҳатлашиб турди. Лекин Маликанинг унга нисбатан хаддан ташқари мояиллиги, подшоҳ учун ҳам, давлат учун ва ўзи учун ҳам хавфли бўлиб қолди. Задиг садоқатли бўлишнинг мушкул эканлигига ишонч ҳосил қила бошлади.

ОЛИЙҲИММАТЛИЛАР

Беш йилда бир марта нишонланадиган байрам куни яқинлашмоқда эди. Байрамда энг олийҳиммат одамни тантанали равишда эълон қилишдек одат бор эди. Амал-

дорлар ва афсунгарлар унда ҳакамлик қилишарди. Биринчи ҳоким, у айни пайтда шаҳар бошлиғи ҳам, ўзининг ҳукмронлиги пайтида юз берган энг олижаноб ишлар ҳақида ҳисобот берар, овозлар йигилгач, шоҳ қарор қабул қиласарди. Тантанага ер ўзининг тўрт томонидан меҳмонлар келишарди. Шоҳ ғолибга қимматбаҳо тошилар билан безатилган жомни бераркан: "Мана бу мукофотимизни қабул қилинг, менга сизга ўхшаган фуқароларданд кўпроқ берсин", — дерди.

Шоҳ ўз тахтида, амалдорлар, афсунгарлар, ўйинга этиб келган қабила вакилларининг қуршовида эди. Ўйинларда шон-шуҳрат эзгулик билан қўлга киритиларди. Ҳоким ўйинларда иштирок этиши лозим бўлганларни санаб чиқди. Бироқ у Бахилнинг бутун мол-мулкини қайтариб берган Задигнинг номини тилга олмади.

У муҳим суд жараёнида бойлигини бой берган бобиллик бир кишига қийматига тўғри келадиган даражада ўзининг мол-мулкини берган ҳакам ҳақида гапириди.

Шундан кейин ҳоким бир қизга ошиқи беқарор бўлган ва унга уйланаман деб юрган йигитни кўрсатди. Бироқ у қизни сеп билан мукофотлаб, ўзини дўстига ҳада этди.

Сўнгра Гидпания урушида олийхимматлик кўрсатган аскар пайдо бўлди. Душман аскарларидан маъшуқасини ҳимоя қилиб турган бир пайтда унга бошқа гирканийликлар онасини олиб кетаётганликларини айтишиди: аскар йиглай-йиглай маъшуқасини қолдирив, волидасини қутқаришга югорди. Шундан сўнг у яна маъшуқасининг олдига қайтиб келди ва уни жон бераётган ҳолатда кўрди. У ўзини ўзи ўлдирмоқчи бўлди, аммо онаси ундан бошқа таянчи йўғлигини зор қақшаб эслатгач, аҳидан қайтди.

Ҳакамлар шу аскар фойдасига мойил эдилар. Шоҳ сўз олди ва:

— Бу ҳам, бошқа иккитаси ҳам олижаноб иш қилганлар,— деди,— аммо улар мени ҳайрон қолдиролмайдилар. Кеча Задиг ҳақиқатан ҳам ҳайратланарли иш қилди. Бир неча кун олдин мен вазиримиз ва архандамиз Коребни ишдан четлаштирган эдим. Мен у билан ғазабнок муамолада бўлдим, лекин ҳамма аъёнларим у билан юмшоқ муомала қиляпсиз дейиш-

ди, барчалари Коребни ўта ёмонлашди. Мен Задигнинг фикрини сўрадим, у эса Кореб тўғрисида яхши фикр айтди. Мен тарихимизда ўз хатолари учун мол-муллари билан товои тўлаганларни, маъшуқасини берганларни, севганидан ўз волидасини афзал кўрганларни учратганман, бироқ ҳеч қачон ўз ҳукмдорининг газабига дучор бўлган вазирни биронта сарой ходими яхшилаганини ўқиган эмасман. Ҳозиргина олижаноб хизматлари ҳикоя қилинган кишиларнинг ҳар бирига йигирма минг олтин совға қиласман, лекин биринчилик жомини Задигга бераман!

— Ҳазрат,— деди Задиг унга,— Сиз жаноби олийлари ҳеч ким эшифтмаган олийхиммат иш қилдингиз: газабланган бўлсангизда, сизга қарши гапирган қулингизга нисбатан сира ҳам аччиқланмадингиз.

Ҳамма шоҳ ва Задигга таҳсинлар ўқиди. Ўз мол-мулкини берган ҳакам, маҳбубасини дўстига ҳадя этган йигит, онасининг озодлигини маъшуқасидан афзал кўрган аскар шоҳнинг туҳфаларини қабул қилишди. Ва уларнинг номлари олийхимматилар китобига ёзилди. Жом эса Задигга насиб этди. Шоҳ эса мурувватли ҳукмдор номини олди, лекин уни узоқ сақлай олмади. Шу кунги байрам тантаналари қонунда кўрсатилганидан кўра узоқроқ давом этди. Бу кун ҳақидаги хотира Осиёда ҳозир ҳам сақланади. Задиг: "Ниҳоят, мен баҳтиёрман!"— деди. Лекин у адашган эди.

ВАЗИР

Шоҳ ўзининг бош вазиридан жудо бўлди. Бу ўринга Задигни тайинлади. Империя ташкил топгандан бўён ёш йигит вазир бўлмаган эди. Барча гўзал хонимлар шоҳнинг қарорини маъқулладилар. Сарой аъёнлари эса газабланишди: ҳасадчи қон туфлади ва унинг бурни ваҳимали тарзда шишиб кетди. Задиг подшоҳ ва маликага ташаккурлар айтгач, миннатдорчилик билдириш учун тўтигининг олдига борди: "Гўзал қуш,— деди унга менинг ҳаётимни сақлаб қолган ва мени бу мартабага сиз етказганд бўласиз: Зоти олийларининг итлари ва отлари менга кўп заҳмат етказганд. Мана, баъзан одамларнинг тақдиди нимага боғлиқ бўлади! Лекин,— қўшиб қўйди у,— бундай ғалати баҳтнинг умри, эҳтимол, қисқа бўлар".

Тўти унинг тапини тасдиқлади. Бу Задигни ажаблантирди. Аммо, у яхшигина табиатшунос бўлганлиги учунми, тўтиларнинг авлиёлик ҳислатларига ишонмади, тез орада тинчланди ва ўзининг вазирлик хизматини сидқидилдан ижро эта бошлади.

Барча қонуннинг муқаддаслик кучини ҳис қила бошлади ва ҳеч кимга ўз лавозими юкини сездирилмади. У девонхона аъзоларининг фикрларини йўққа чиқармас, ҳар бир вазир, шоҳнинг ғашига тегмасдан, ўз фикрини айта оларди. Бирор ишни ҳал қилишга тўғри келгандা, қонун йўли билан ҳал қиласарди. Жазо қаттиқроқ бўлса, шоҳ уни енгиллатир, агар қонун бўлмаса, Зардўштийлик қонунларидан кам бўлмаган одил қонунлар қабул қиласарди.

У айборни жазолагандан кўра, жиноятнинг олдини олишни афзалроқ эканини, қонунлар кишиларни қўрқитиш учун эмас, балки уларга ёрдам бериш учун яратилган, деб ҳисобларди.

Бошқалар ҳақиқатга соя солиб туришга уришган бир пайтда, унинг очиқ гаплари шоҳнинг кўзини очарди.

Ўз ҳукмдорлигининг дастлабки кунларидан бутун маҳоратидан фойдалана бошлади. Бобилнинг машҳур бир савдогари Ҳиндистонда вафот этди. У қизини турмушга чиқаргач, ўз давлатини икки ўғлига тенг бўлиб берганди. Бундан ташқари, икки ўғилдан қайси бири отасини кўпроқ эҳтиром қилганлиги маълум бўлса, ўшанга деб ўттиз минг олтин ҳам тайинлаганди. Катта ўғил қабр тоши қўйди, иккинчиси эса ўз меросининг бир қисми билан синглисининг сепини кўпайтирди, ҳамма: "Катта ўғил отасини яхши кўрар экан, кичиги эса — синглисини, ўттиз миит олтин каттасига тегиши керак", — дерди.

Задиг уларни бирин-кетин олдига чақириб, каттасига: "Отангиз сира ўлган эмас: у касалликдан фориг бўлди, Бобилга қайтмоқда", — деди.

— Худога шукур,— жавоб берди йигит,— лекин қабр тоши менга анча қимматга тушди.

Задиг худди шу гапни кенжә ўғилга айтди.

— Худога шукур,— деди у,— мен мерос сифатида олган ҳамма мол-мулкимни отамга қайтараман, лекин отам синглимга берган нарсаларимни унда қолдиришини истардим.

— Сиз ҳеч нарғани қайтармайсиз,— деди Задиг— сиз ўттиз минг олтинга эга бўласиз, чунки отангизни ҳаммадан ҳам кўра кўпроқ эҳтиром этар экансиз.

Жуда бадавлат бир қиз иккита коҳинга турмушга чиқишга розилик берди ва бир неча ой давомида улардан собоқ олгач, оғир оёқли бўлиб қолди. Уларнинг иккаласи ҳам унга уйланмоқчи эдилар.

— Икки кишидан қайси бири менга фарзанд ато этган бўлса, ўша менинг эрим бўлади,— деди қиз.

— Бу эзгу ишни мен қирадим,— деди бири.

— Бу хизмат менини,— деди бошқаси.

— Хўл, яхши,— деди қиз,— иккалангиздан қайси бирингиз болага яхши тарбия бера олсангиз, мен ўшани боланинг отаси деб тан оламан.

У ўғил туғди. Коҳинларнинг иккаласи ҳам уни тарбиялаш ниятида. Иш Задигга бориб етди. У иккала коҳинни ҳам чақиритирди.

— Сен болани нимага ўргатасан,— деди у биринчи коҳинга.

— Мен унга,— деди донишманд,— саккизта сўз туркумини, диалектикани, мунахжимликни, инсу-жинсларни ром этишни ўргатаман ва унга субстанция ва акцеденция (тасодифий ҳодиса, жузъий хусусият — М. Х. Р. Қ.)нинг, мавҳумлик ва аниқликнинг монандлар (Лейбниц системасида оддий, фаол ва бўлинмас субстанция — М. Х. Р. Қ.) ва олдиндан белгиланган гармониянинг нима эканлигини тушутираман.

— Мен,— деди иккинчиси,— уни адолатли ва дўстга содиқ қилиб тарбиялашта ҳаракат қиласман.

— Сен боланинг отасимисан ё йўқми, унинг онасига уйланасан,— деди Задиг.

МУНОЗАРАЛАР ВА ҚАБУЛ ҚИЛИШЛАР

Шу йўсинда ҳар куни Задиг ўзининг зийрак ақли ва эзгу қалбини намоён қилиб борди. Унга тасаннолар айтишар ва айни пайтда уни севишарди. Уни одамларнинг энг баҳтлиси деб ҳисоблашарди. Бутун мамлакатга унинг номи тарқалди. Ҳамма хотинлар унга назар ташлай бошладилар: фуқаро унинг адолатпарварлигини мақтар, олимлар валий сифатида қарашар, коҳинлар уни архимаг йебордан ҳам кўпроқ нарсани билади, деб тан олишарди. Энди у билан грифлар тўғрисида тор-

тишиш фикридан ҳаммалари узоқ эдилар. Задиг ишониши мумкин деб ҳисоблаган нарсагагина ишонардилар.

Бобилда улкан бир мунозара бўлиб, у бир ярим минг йилдан бўён давом этиб келар ва бутун мамлакатни иккита муросасиз гуруҳга бўлиб юборган эди: бир гуруҳ тарафдорлари Митра маъбадига фақат чап оёқ билан кириш керак дейишса, иккинчи гуруҳ бу одатни манфур деб билар ва у ерга фақат ўнг оёқ билан кириш лозим деб ҳисоблардилар. Задиг қайси томонга мойиллик кўрсатишини билиш учун Ҳамма муқаддас олов байрами кунини кутар, Задигнинг қайси томонга ён босишини билмоқ орзусида эди. Байрам куни Задиг икки оёгини жуфтлаб сакраб ибодатхонага кирди ва сўнгра чиройли нутқ сўзлаб, само ер Худоси учун эҳтиросларнинг бегона ҳамда чап ва ўнг оёққа бир хил муносабатда эканлигини исботлади. Ҳасадчи ва унинг хотини Задигнинг нутқида образларнинг озлигини ва у тоғлар ва тепаликларни рақсга тушишга мажбур қилмаганигини таъкидлаши.

— У қуруқ ва тасаввурдан йироқ,— дерди улар. У на дengизни соҳилдан чекинтира олади, на юлдузларни тушира олади, на қўёшли мумдек эрита олади. Унда ҳеч қанақа шарқ услуби йўқ.

Задиг ақл-идроқи билан қаноатланарди. У ҳақ, оқил, севимли бўлганлиги ўчун эмас, балки бош вазирлиги учун ҳамма у томонда эди.

У оқ ва қора коҳинлар ўртасида катта бир тортишувни муваффақиятли ҳал қилди. Оқларнинг таъкидлашича, худога сифинаётганда, юзни шимоли-шарққа буриш — гуноҳ. Қораларнинг ишонтиришларича, одамлар жануби-гарб томонга қараб сифинишса, худонинг ғазаби келармиш. Задиг ким қаёққа хоҳласа, ўша томонга юз ўгиришга фармон берди.

Шу тартибда Задиг эрталаб барча шахсий ва давлат ишлари билан шуғулланиш йўлини топди, кундуз куни эса Бобилни бозаш ишлари билан банд бўларди. У театрларда кишиларни йиғлатадиган фожиалар, кулдирадиган комедиялар қўйишга фармон берарди. Бундай пьесалар аллақачон модадан чиққан бўлиб, Задиг уларни қайта бунёд этди, чунки у диди ўткир киши эди. У бу нарсаларни санъат аҳлидан кўра яхшироқ билмаслигига ишонар, уларга совғалар берар ва мукофотлар эди, лекин уларнинг иқтидорига ўзича ҳасад қўлмасди.

Кечқурунлари шоҳнинг, айниқса, маликанинг кўнглини очарди. Қирол: "Буюк вазир!" деса, малика: "Мафтункор вазир!" дерди. Ҳар иккаласи: "Ўшанда осиб юборганларида, жуда ачинарли иш бўларди", — деб қўшиб қўйишарди.

Бирор амалдор ҳали бунчалик хонимларни қабул қилмаган эди. Уларнинг аксарияти унинг сухбатидан завқ олиш учун келарди. Ҳасадчининг хотини биринчилар қаторида келди. У Митра, Зендауссто (Авесто — М. Х. Р. Қ.) ва муқаддас олов номи билан қасам ичиб, ўз эрининг хўлқидан жирканажагини, унинг рашкчи, қўпол эканлигини тан олди ва худолар уни жазолаганликларини айтди. Кейин у кутилмаганда боғичини тушириб юборди. Задиг вазминлик билан уни ердан кўтарди, лекин тиззасига ўтказиб қўймади. Бу кичкина хатолик (агар буни хато дейиш мумкин бўлса) оғир фалокатларга сабаб бўлди. Задиг бу ҳақда ўйламади ҳам, ҳасадчининг хотини эса буни унутмади.

Хонимлар ҳар куни келишарди. Бобилнинг яширин солномаларида айтилишича, у бир марта гина ўзлигини тарқ этди, ҳайрат билан шу нарсани англадики, аёлнинг қучогида роҳатланиш сезмади ва бешарво ҳолда жазманидан бўса олди. Задиг ўзи сезмаган ҳолда хуштор бўлиб қолган бу аёл малика Астартанинг оқсоchlаридан бири эди. Бу гўзал хоним ўзини юпатиш учун: "Ишлари ҳаддан ошиқ кўп, шунинг учун ишқий лаззат пайтида ҳам улар ҳақида ўйлайди", — дерди. Кўпчилик индамай ўтирадиган, бошқалар эса табаррук сўзларни айтатётган лаҳзаларнинг бирида Задиг тўсатдан "Малика!" деб юборди. Бобиллик аёл "ниҳоят" Задиг ўзига келибди" деб ўйлади ва қизиқиб кетиб "Маликам!" деб айтди деган ўйга борди. Лескин, ҳамон бешарво ўтирган Задиг Астартанинг номини олди. Бу баҳтли сонияларда ҳамма нарсани ўз фойдасига ҳисоблаётган хоним буни "Сиз малика Астартадан ҳам гўзалроқсиз!" деб тасаввур қилди. У Задиг ҳарамидан жуда чиройли совғалар билан чиқди ва бориб бўлган воқеани ўзининг яқин дугонаси — ҳасадчи аёлга сўзлаб берди. Ўзидан кўра бошқани афзал кўриш уни қаттиқ ҳақорат қилди:

— У менга мана бу боғични кийгизишни ҳам лозим кўрмади, мен уни бошқа киймайман, — деди у аччиқланишиб.

— О, сизнинг боғичларингиз худди маликанидек экан,— деди унинг баҳтиёр рақиби. Сизлар уларни бир кишидан олсаларингиз керак?

Ҳасадчи аёл чуқур ўйга толди, маслаҳатлашиш учун эри — ҳасадчининг олдига борди.

Бу борада Задиг ҳаммавақт — судда ҳам, кишиларни қабул қилиш пайтида ҳам ўзининг паришонхотир эканлигини сезиб қолди. Гап нимада эканлигини у тушунолмасди ва мана шу ягона жумбоқ унинг кўнглини хира қиласарди.

Бир куни у туш кўрди. Тушида, тиканли қуруқ ўтлар устида безовта ётганмиш, сўнгра — гул тўшакларда дам олаётганмиш. Бирданига тўшакдан заҳарли илон чиқиб, унинг юрагига огули ниш урибди. "Ана холос! — ўйлади у, — мен узоқ вақт қуруқ ва тиканли ўт устида ётдим. Энди эса гул тўшаклардаман. Илон ким экан?"

РАШИК

Задигга хизматкори баҳтсизлик келтирди. У ҳар куни подшоҳ ва унинг илоҳий рафиқаси билан суҳбатда бўларди. Астарта ўзи сезмаган ҳолда, унга таъсир кўрсата бошлаганди. Аёлнинг унга бўлган эҳтироси кундан-кун кучайиб борар, уни шоҳ олдида тинимсиз мақтар, сарой хонимларига у тўғрисида ошириб галиларди. Буларнинг барчаси унинг қалбидаги ўзи сезмаган номсиз ҳиссиётни мустаҳкамларди. У Задигга туҳфалар қиласи ва бу туҳфаларда унинг эҳтироси намоён бўларди. Буларнинг барис Астартага гуё ўз фуқаросининг хизматидан мамнун бўлгандек кайфият туғдирар, аммо баъзи гаплари севиб қолган аёлнинг сўзларидек садо берарди.

Астарта Замирага ва ўз эрининг бурнини кесмоқчи бўлган аёлга қараганда гўзалроқ эди. Унинг дўстона муомаласи, баъзан ўзини ҳам қизартириб юборадиган нозик сўзлари, нигоҳлари Задигнинг қалбida олов ёқар, бундан унинг ўзи ҳам ҳайрон эди. У ўз ҳиссиётларига қарши курашди, шу пайтгача ўзига кўмак бериб келган фалсафани ёрдамга чақирди, аммо бу сафар уринишлар зоя кетди: у энди малика билан аввалгидаи босмалол ширин суҳбат қуролмас, кўз олди хирадашар, гаплари поймапой чиқар, нигоҳлари срга қадаларди Ва, беихтиёр унинг нигоҳи Астартага тушганда, унинг: "Биз бир-биримизни

ардоқлаймиз, аммо севишга қўрқамиз. Ҳар иккаламиз ҳам жиноят ўтида ўртамоқдамиз", — деган маънони на-
моён қиласётган намли кўзларига дуч келарди.

Задиг маликанинг олдидан паришонхотир ҳолда зил-
замбил бўлиб чиқарди. Пировард натижада, ишқ азоб-
ларига чидолмаган Задиг Кадорни ўз сиридан воқиф
этди.

— Мен яширин ҳиссиятларингизни пайқаган эдим,—
деди Кадор. Ўйлаб кўринг, қадрдон дўстим, менинг қал-
бингиздаги сирни ўқий олган эканман, эртами-кечми,
шоҳ ҳам ундан хабар топади. У жуда рашкчи одам.
Сиз файласуфсиз, эр кишиносиз, ўз ҳис-туйғуларингизни
жиловлай оласиз.

Аммо Астарта — аёл. Қаёқка қадам ташлаётганини
сезмагани учун эҳтиёткорликни унутади. Бахтга қарши,
ўзининг айбизилитига бўлган ишонч одоб қоидаларини
писанд қилмасликка олиб келади. Токи у ўзини бирон
бир нарсада айбламайдиган бўлгунича, мен у учун
титрайвераман. Агар сиз у билан яқинлашган
бўлганингизда эди, барча кўзларни алдаган бўлишингиз
мумкин эди: туғилаётган ва сўнаётган эҳтирос ҳар бир
ҳаракатда кўзга ташланади, муроди ҳосил бўлган
муҳаббатни яшириш осон. Қиролга, ўз валинсъматига
ҳоинлик қилиш таклифи Задигни даҳшатга солди. У
ҳеч қачон, ўзини иродасига қарши жиноятчи деб
ҳисоблаган пайтдагидек ўз шоҳига содик бўлган эмасди.
Ваҳоланки, малика Задигнинг номини қирол ҳузурида
тез-тез тилга олганда юзлари қизарип кетар, тоҳ
ҳаяжонланар, тоҳ гапини йўқотиб қўярди. Задиг чиқиб
кетгач, у шунчалик чуқур ўйга чўмардики, бундан,
ниҳоят, шоҳ ташвишлана бошлади. У кўраётган нарса-
ларига ишонди ва кўрмаганларини тасаввур қилди. Ху-
сусан, шу нарса уни хайратга солдики, хотинининг
туғлиси ҳаворанг эди ва Задигники ҳам, хотинининг
ленталари сариқ эди, Задигнинг қалпоги ҳам сариқ эди:
табиати нозик ҳукмдорнинг назаридаги инкор қилиб
бўлмас далил эди. Унинг асабларини таранглаштирган
шубҳалар ҳақиқатга айландилар.

Саройдагилар тез орада Астартанинг севиб қолган-
лигини ва Моабдарнинг рашик ўтида ёнаётганини сезиб
қолишибди. Ҳасадчи ўзининг ҳасадгўй хотинини малика-
нинг бөғичига ўхшаш бөғичи билан подшоҳнинг
ҳузурига жўнатди. Фалокатнинг устига, буни қарангки,

бу боғич ҳам ҳаворанг эди. Шу лаҳзадан бошлаб шоҳ қасос олиш йўлини ўйлай бошлади. У кечаси маликани заҳарлашга, эрта тонгда эса Задигни бўғиб ўлдиришга қарор қилди. Бу ишни шоҳнинг интиқомли ниятларини амалга оширувчи, шафқатсиз ҳарам оғаси бажариши керак эди. Шоҳнинг пакана гунг қули бор эди. Аммо у кар эмасди. Ундан айғоқчиликда фойдаланишарди, у саройда содир бўладиган махфий сирлардан ҳам хабар топарди. Бу миттивой малика билан Задигга жуда боғланиб қолганди. У қотиллик тўғрисидаги фармонни ҳайрат ва даҳшат билан эшилди. Бу тўғрида қандай огоҳ қиммоқ керак? Миттивой ёзишни билмас, аммо у сурат чизишни қойиллатарди. Туннинг ярмини у маликага етказмоқчи бўлган сирни акс эттириш билан ўтказди. У чизган суратнинг бир четида ғазабланган ва ҳарам оғасига фармон берадётган шоҳ, кейин стол, унинг устида ҳаворанг аргамчи ва ваза, ҳаворанг боғич, сарик ленталар, суратнинг ўртасида ўз/аёнлари қўлида жон берадётган малика ва унинг оёқлари томонда бўғиб ўлдирилган Задиг. Уфқда — чиқиб келаётган қуёш — бу билан миттивой қотиллик эрта тонгда рўй беради демоқчи. Қул ишини тугатиши биланоқ Астартанинг аёлларидан бирининг олдига югурди, уни уйготди ва имоишора билан суратни маликага етказиши лозимлигини тушунтириди.

Ярим тунда Задигга маликанинг хатини етказиши: бу туш эмасмикан, деб ўйлади у, қўллари қалтираб хатни очаркан.

"Зудлик билан қочинг,— деб ёзганди малика,— йўқса, сизни мавҳ этишади. Менинг эса ҳеч бир гуноҳим йўқ, аммо, ҳис қиляпманки, мен гуноҳкор сифатида ўламан".

Задиг Кадорни чақиртириди ва жимгина унга хатни узатди. Кадор уни бўйсунишга улдади ва ҳозирнинг ўзидаёқ Мемфисга қараб йўлга тушишни айтди.

— Мабодо сиз маликанинг олдига бормоқчи бўлсангиз, унинг ўлимини тезлаштирган бўласиз, агар шоҳ билан гаплашмоқчи бўлсангиз, унда ҳам маликани ҳалок қиласиз. Маликанинг тақдирини мен ўз бўйнимга оламан, сиз эса ўз ҳаққингизда қайғуринг. Мен сизни Ҳиндистонга кетган, деб гап тарқатаман. Яқин орада сизни топиб оламан ва Бобилда нималар бўлиб ўтганини сизга сўзлаб бераман.

Шу заҳотиёқ Кадор саройга яширинча иккита йўрга нортую келтиришларини буюрди. Улардан бирига ҳушсиз Задигни ўтказди. Задигни хизматкорлардан бири кузатиб борадиган бўлди.

Задиг ўзига келгач, узоқ вақт кўз ёш тўқди ва ўзига ўлим истади.

— Мана сенга инсон ҳаёти!— леди у ички алам билан.— Эй, парвардигор! Сен менга нима билан ёрдам қилдинг? Икки аёл менга номуносиб тарзда панд берди, учинчиси эса, гуноҳсиз ва ҳаммадан гўзал, ҳадемай ўлиши керак. Мен нимаики яхши иш қилган бўлсан, муқаррар равишда менга баҳтсизлик олиб келди. Буюклик чўққисига фақат фалокатларнинг даҳшатли гирдобига отилиш учун кўтарилганмидим. Мен ҳам ўзгалар сингари тошбагир бўлганимда, улардек баҳтиёр бўлардим.

Маҳзун хаёллар оғушида қолган Задиг ўз сафарини давом эттириди; унинг кўзлари ғам юқидан хира тортган, юзлари оппоқ оқариб кетган, қалби умидсизликка тушган эди.

ТАЁҚ ЕГАН ХОТИН

Задиг юлдузларга қараб йўл босарди. Орион юлдузлар туркуми ва ёрқин Сириус юлдузи уни Каноп юлдузи томон олиб борарди. У бизга заррадек кўринган улкан юлдузларга қараб завқланарди; айни пайтда ер, коинотнинг кичик заррачаси, кўзимизга улкан ва улуғвор бўлиб кўринмади. Шу лаҳзада Задиг инсониятни амалда қандай бўлса, шундай, яъни, кичик бир лой бўлаги устига ўтириб олиб бир-бирини ямлаётган ҳашоратларга ўхшатмоқда эди. Шу тушкин кайфият унинг барча баҳтсизликларини йўқقا чиқарди, шахсан ўзининг ва Бобилнинг нотавонлигини эслатди. Задигнинг руҳи, гуё ўз танасидан ажralиб, чексизлик томон отилгандай ва коинотнинг ўзгармас тартибини кузатгандай бўлди. Сўнгра, самодан яна ерга қайтиб тушгач, юрагининг ураётганини ҳис қилди. Астарта, эҳтимол, ҳалок бўлгандир: коинот яна йўқолди ва қоронгиликда жон бераётган Астарта билан ўзидан ҳеч ким йўқлигини ҳис этди.

Задиг Миср сарҳадларига яқинлашмоқда эди; унинг содиқ хизматкори илгарилаб кетди ва биринчи қиши

лоқдаёқ Задигга бошпана излади, Задиг эса шу орада қишлоқ атрофидаги боғларда сайр қилди. Катта йўл яқинида бир аёл дод-фарёд қилиб, еру кўкни ёрдамга чақирап, ғазабланган эркак уни таъқиб қиласа эди. Эркак уни қувиб етиб дўппослай бошлади. Эркакнинг қаҳр-ғазаби ва аёлнинг кечирим сўрашларидан Задиг англадики, уларнинг бири — рашкчи, иккинчиси — бевафо.. Аёлнинг жозибадорлиги-ю, баҳтиқаролиги Астарта билан ўхшашлигини кўрган Задигнинг унга раҳми келди, мисрли эркакка нисбатан эса ғазаби қайнади.

— Ёрдам беринг менга! — ёлворди аёл. — Мени бу ёввойининг қўлидан қутқаринг, ҳастимни сақлаб қолинг!

— Агар сизда озгина инсонпарварлик бўлса, илтимос қиласман, гўзаллик ва кучсизликни ҳурмат қилинг, — дёди самимий оҳангда. — Оёқларингиз остида ётган, ўзини ҳимоя қилиш учун кўз ёшларидан бошқа ҳеч вақоси бўлмаган, табиатнинг бу гўзал туҳфаси билан нега бундай муомала қиласиз?

— Ҳа, ҳали шунақами! — қичқирди қутурган мисрлик. — Демак, сен ҳам уни яхши кўрасанми, мен сендан қасос олишим керак экан! Шундай деб, бир қўли билан сочидан тутамлаб турган аёлни қўйиб юборди, найзасини олиб, ўзга срлига санчмоқчи бўлди. Задиг эса совуққонлик билан ўзини кучли зарбдан ҳимоя қилди: найзанинг учидан ушлаб олди. То найза сингунча тортишув давом этди. Сўнг қиличларини ялангочлаб, бир-бирларига ташланишди. Бири чаққонлик билан ҳужумга ўтар, иккинчиси усталик билан уни қайтарарди. Аёл эса, ўт устига ўтириб олиб, соchlарини тузатганча, жангни кузатарди. Мисрлик кучли бўлса, Задиг чаққон эди.

Задиг чаққонлик, моҳирлик билан жанг қиласа, мисрлик эса ғазабга тўлиб, қандай тўғри келса, шундай зарба берарди. Задигнинг қўли баланд келди: мисрликни қуролсизлантириб, қўлини орқасига қайирди ва кўксига қилич тиради-да, тавбасини таянтириб юборди. Аммо мисрлик фирромлик йўлига ўтиб, ханжар билан ғолибни яралади. Ундан ғазабланган Задиг қилични унинг кўксига санчди. Мисрлик типирчилаб жон бергач, Задиг аёлга яқинлашди ва унга мулойим бир овозда:

— У мени ўлдиришга мажбур қилди: мен сизнинг қасосингизни олдим ва сизни дунёдаги энг золим одамнинг чангалидан халос қилдим, деди.

Кейин сўради:

— Мендан яна сизга нима керак, хоним?

— Ўлимингни, йўлтўсар, ўлимингни! — ўшқирди аёл. — Сен менинг севган кишимни ўлдирдинг! Мен сенинг юрагингни суғириб оламан!

— Ундаи бўлса, хоним, сизнинг ғалати севгилингиз бор экан! У сизни жони борича ураётгандা, сиз ёрдамга чақирганлигингиз учун у мени ўлдирмоқчи бўлди.

— Яна урса ҳам майли эди, мен бунга лойиқ, эдим, мен унга бевафолик қилдим, — деди аёл бақириб. Умрида бунчалик аччиқланмаган Задиг ғазабини яширмади:

— Хоним, гўзал бўлишингизга қарамай, мен ҳам ўз навбатимда сизни уришим мумкин. Аммо мен буни ўзимга эп кўрмайман.

У туюга ўтириб, қишлоқ томон равона бўлди: бир неча қадам юргач, ортдан шовқин-сурон эшитилди, қайрилиб Бобилдан келган тўртта чопарни кўрди. Улардан бири аёлни кўриб, қичқирди:

— Бу ўша аёлга ўхшайди!

Улар дарҳол аёлни тутишди. Аёл эса Задигга ёлворди:

— Менга яна бир бор ёрдам қилинг, олиҳиммат ўзга ерлик! Менинг танбеҳларимни унунинг! Менга ёрдам беринг ва мен ўлгунча сизники бўламан!

Лекин Задигнинг бу аёл учун жанг қилиш истаги йўқ эди.

— Бошқаларга айтинг, — деди у, — мени бошқа алдай олмайсиз.

Унинг ўзи ёрдамга муҳтож эди, ярасидан қон кетаётганди. Чопарларнинг кўриниши Задигни жуда ташвишлантириди. Шошилинч қишлоқ томон йўл оларкан, у бобиллик чопарларнинг нима учун бу аёлни қўлга олганликларини, айниқса, унинг ғалати муомаласини тушунолмай ҳайрон эди.

ҚУЛЛИК

Задиг Миср қишлоғига кириши биланоқ уни оломон ўраб олди ва:

— Ана, гўзал Мисуфанинг ўғриси ва Клетофиснинг қотили! — деди бақира бошладилар.

— Жаноблар! — деди у. — Гўзал Мисуфангизни ўғирлашдан худо сақласин, у жуда терс аёл экан; Клето-

фиста келсак, тұзат Мисуфага раҳм қилишини илтимос қылғаним учун у мени ўлдирмоқчи бўлди. У Мисуфани шавқатсизларча калтаклаётган эди. Мен ўзга юртликман, Мисрга бошпана излаб қелгандам. Наҳотки, мусофири киши ўз ишини аёл ўғирлаш-у, ёки одам ўлдиришдан бошласа?!

Мисрликлар инсонпарвар эдилар. Задигни шаҳар бошқармасига олиб бориши. Аввал унинг ярасини боғлашди, сўнгра, ҳақиқатни аниқлаш учун Задигни ва хизматкорларини алоҳида-алоҳида сўроқ қилишди. Задиг қотил эмас деб тан олинди, лекин инсон қонини тўкканлиги учун қулликка маҳкум қилишди. Иккита туясини қишлоқ фойдасига сотиб, олтинларини одамларга бўлиб бердилар, ўзи ва ҳамрохини сотиш учун бозор майдонига қўйиб қўйдилар. Сеток исмли араб савдололишиб, уни сотиб олди, хизматкорининг оғир ишга яроқлилиги сабабли, унга қумматроқ тўлади: иккалалари ўртасида фарқ қолмаган эди: Задиг ўз хизматкорига бўйсунадиган бўлди. Уларнинг оёқларини битта занжир билан боғладилар ва савдогарнинг уйига равона бўлдилар. Йўлда Задиг хизматкорини юпатиб, сабртоқатли бўлишга даъват этди.

— Кўряпманки,— дерди Задиг хизматкорига,— ҳаётнинг менга бўлган ситамкорлиги сенга ҳам ўтмоқда. Шу вақтгача менинг ҳаётим ғалати бир тарзда кечмоқда: урғочи итни деб жарима тўлашга мажбур қилдилар, гриф туфайли қозикқа ўтказишларига озгина қолди, подшоҳни мадҳ этиб ёзган шеърим учун ўлдириб юборишларига оз қолди, маликанинг сариқ лентаси сабабли бўғмоқчи эдилар, мана энди, бир ҳайвон ўз жазманини калтаклагани учун сен билан мен қулмиз. Кел, ноумид бўлмайлик, балки буларнинг ҳаммаси яхшилик билан тугар. Араб савдогарларига қулсиз мумкин эмас экан, шу қулларнинг биттаси мени бўлсан нима бўпти? Мен ҳам шулар каби бир одамман-ку! Бу савдогар бераҳм кишига ўхшамайди ва ўз қулларини яхши меҳнат қилишини хоҳласа, улар билан ёмон муомалада бўлмайди.

Савдогар Сеток, икки кундан кейин, ўз қуллари ва туялари билан Арабистон саҳросига жўнади. Улар Хорив саҳроси яқинида туришарди. Йўл узоқ ва оғир эди. Задигнинг хизматкори туяларга юкни яхшироқ юклар, шунинг учун хўжайнинг қараганда савдогарнинг

алоҳида ҳисобида турар ва унинг битта-яримта кичик имтиёзларидан фойдаланаарди.

Туялардан бири Хоривдан иккى кунлик йўл юргач, ўлиб қолди. Унинг юкини қулларининг елкаларига ортишиди. Задиг ҳам ўз тегишини олди. Букчайиб бораётган қулларнинг аҳволини кўрган Сеток кула бошлади. Задиг бунинг сабабини тушунтиришга жазм қилди ва унга бошидан ўтганларини галириб берди. Ҳайрон қолган савдогар унга бошқача кўз билан қарай бошлади. Задиг савдогарда қизиқиш уйғотганини кўриб, бу ҳиссиётни Сетокнинг тижорат ишларига алоқаси бўлган нарсалар тўғрисидаги ҳикоялар билан мустаҳкамлашта ҳаракат қилди. Металларнинг ва бир хил ҳажмдаги товарларнинг солиширма оғирлиги, баъзи ҳайвонларнинг хусусиятлари, улардан қандай фойда олиш йўллари ҳақида галирди. Қисқаси, у Сетокка ҳақиқий допишманд бўлиб кўринди. Энди унга илтифот кўрсатди. Бу ишдан кейинчалик пушаймон бўлмади.

Юртига қайтиб келган Сеток бир яхудийдан беш юз унция кумуш қарзини сўради. Лекин гувоҳлар вафот этишганди, яхудий қарзини тўлашдан бош тортди ва арабни шундай куйга соглани учун Оллоҳга шукроналар айтди. Сеток ўз дардини яқин маслаҳатчисига айланган Задигга айтди.

— Бу бетайинга беш юз унцияни қаерда берган эдингиз? — сўради Задиг.

— Хорив яқинидаги катта харсанг устида, — жавоб берди савдогар.

— Қарздорнинг одатлари қанақа?

— Товламачи!

— Қизиқонми ё тепса-тебранмасми? Эҳтиёткорми, сингилтакми?

— Билишимча, қарздорларим орасида энг қизиқони.

— Яхши, — деди Задиг, — судда бу ишни ҳимоя қилишни менга рухсат этсангиз.

Яхудийни судга чақиришиди:

— Адолат тахтининг суюнчиғи! — хитоб қилди Задиг ҳакамга. — Хўжайиним номидан талаб қиласман: мана бў зот беш юз унцияни қайтарсан, уни тўлашдан бош тортмоқда.

— Гувоҳларингиз борми? — сўради ҳакам.

— Йўқ, улар ўлиб кетишган. Аммо, устида пул санаб берилган харсангтош бор, агар ҳазратларига малол келмаса, тошни олиб келишга одам юборсангиз. Ишона-манки, тош бу ҳақда гувоҳлик беради. Тошни келтиргунларича, яҳудий билан мен шу ерда ўтириб турдим. Тошни олиб келиш харажатларини менинг хўжайиним тўлади.

— Жуда яхши,— деди ҳакам. Ва бошқа ишлар билан шуғулланди. Мажлис охирида Задигдан:

— Нима, тошни ҳали ҳам келтиришмадими?— сўради ҳакам.

Яҳудий кулиб жавоб қилди:

— Агар жаноби олийлари бу ерда эртагача ўтирасалар ҳам барibir тош келмайди, чунки бу ердан олти миль нарида, уни жойидан қўзгатиш учун ўн беш киши керак.

— Мен сизга айтган эдим-ку,— қичқирди Задиг,— харсангтош гувоҳлик беради деб: бу одам тошнинг қаерда эканлигини билади, десмак, пул харсангтош устида санаб берилганлигини тан олмоқда.

Шошиб қолган яҳудий тезда ҳаммасини тан олишга мажбур бўлди. Ҳакам уни харсангтошга боғлаб қўйишини, то беш юз унцияни тўламагунча сув ҳам, овқат ҳам бермасликни буюрди. Яҳудий зудлик билан пулни тўлади.

Шундан бўён Задиг ҳам, харсангтош ҳам бутун Арабистонда шухрат топди.

ГУЛХАН

Сармаст бўлган Сеток қулини ўзига яқин олиб, дўстона муомала қила бошлади. Бобил шоҳи сингари, у ҳам Задигсиз туролмасди. Сетокнинг хотини йўқлигидан Задиг беҳад хурсанд эди. У ўз хўжайинида табиий хислатларни, тўғрилик ва соғлом ақлни кўрди. Аммо унинг қадимий араб одатига кўра, осмон лашкарлари— қуёш, ой ва юлдузларга сифинишини кўриб, қаҳри келди. Ниҳоят, у хўжайинига бу юлдузлар ҳам дарахт ёки қоялар сингари жисмлардан бўлак нарса эмаслигини тушунтириди.

— Улар абадий мавжудотлар, ахир,— эътироҳ билдириди Сеток,— биз фойда оладиган нарсаларнинг

ҳаммасини улар бизга ҳадя қиласидилар, табиатта ҳаёт бахш этадилар ва йил фаслларини бошқарадилар. Бундан ташқари, улар шу қадар йироқдирларки, уларга сифинмасликнинг иложи йўқ.

— Сиз учун Қизил денгизнинг фойдаси кўпроқ, чунинг мол ортилган кемаларингизни Ҳиндистонга олиб боради. Нега энди сиз юлдузларни Қизил денгиздан кўра қадимирик деб ўйлайсиз? Агар сиз ўзингиздан узоқ нарсага сажда қиласиган бўлсангиз, у ҳолда дунёning четидаги гангаридалар ерига сажда қилинг!

— Йўқ,— деди Саток,— улар шундай айтилганки, топинмасликнинг иложи йўқ.

Кеч кириши билан Задиг овқатланишлари керак бўлган чодирда кўп машъял ёқди. Хўжайини пайдо бўлиши билан ёниб турган машъаллар олдида тиз чўкди-да, шивирлади:

— Умрибоқий ва ярқироқ шамлар, менга доимо меҳр-шавқатли бўлингиз!

— Нима қиляпсиз, ўзи?— сўради Сеток ажабланиб.

— Сиз қилган ишни қиляпман,— жавоб берди Задиг.— Мен шамларга сажда қиляпман, уларнинг ва ўзимнинг хўжайинимга илтифотсизлик қиляпман.

Сеток бу сўзларнинг чуқур маъносини англади. Қулнинг донишмандлиги унинг кўзини очди ва у, маҳлуқларга мадҳия ўқишга барҳам бериб, Яратганга сифина бошлади.

Ўша вақтларда Арабистонда даҳшатли бир удум бўлиб, у склирлардан қабул қилинган, лекин браҳманлар ёрдамида Ҳиндистонда кенг ёйилган ва бутун Шарққа тарқалиш хавфи бор эди. Эркак киши вафот қилса, хотини ҳам ўзини ўтга ташларди. Бу алоҳида байрам — бевалик гулхани, деб аталарди. Қайси қабилада ўзини гулханда ёқсан аёллар сони кўпроқ бўлса, ўша қабила ҳурматли ҳисобланарди. Сеток қабиласидан бир араб ўлгач, унинг Альмона исмли хотини, у жуда ҳам художўй эди, тантанали мусиқа садоси остида ўзини гулханга отадиган қунини ва соатини эълон қилди. Задиг Сетокка бу мудҳиш одатнинг инсоният учун нақадар зарарли эканлигини исботлай бошлади. Бу одат туфайли давлатга бола туғиб бериши ёки, ҳеч бўлмагандা, уни тарбиялаши мумкин бўлган ёш жувонларнинг умри беҳудага хазон бўлаётганини тушунтириди. У бу босмаъни удумни, иложи бўлса, йўқотишни таъкидлади.

— Мана, минг йилдан ошдики, хотинлар ўзларини гулханга ташлайдилар,— деди Сеток.— Замонлар ўтиши билан муқаддаслашган қонуниң қайси биримиз ўзгартиришга юрак қила оламиз? Узоқ яшайдын ян-глишишдан ҳам ҳурматлироқ бирон нарса борми?

— Инсон ақл-заковати ундан ҳам қадимийроқдир,— эътиroz билдири Задиг.— Сиз қабила бошлиқлари билан гаплашинг, мен эса ёш беванинг олдига бораман.

Задиг беванинг олдига борди. У аввало аёлнинг гўззалигини таърифлаш билан унинг меҳрини қозон-моқчи бўлди. Унинг вафодорлиги ва жасурлигига қойил қолганини, лекин шундай аёлнинг ўзини ўтда ёқиши бемаъни иш эканлигини тушунтириди.

— Бу тўғрида ўйлашнинг ўзи мени ларзага келтиради,— деди хоним, лекин бошқа чора йўқ: мен художўйман, гарчи эрим рашкчи, қўпол, ярамас одам бўлса-да, ўзимни ёқмасам, ҳамма менинг устимдан кулади ва шарманда бўламан.

Задиг аёлни ўзгалар ва орият гулханга итараётганини билиб олгач у билан узоқ суҳбатлашди ва оз бўлса ҳам ҳаётга муҳаббат уйготишга уринди.

— Агар орият сизни бу йўлдан қайтарса, нима қиласдингиз?

— Уфф!— деди аёл.— Сизнинг менга уйланишингизни илтимос қиласмидим.

Задигнинг миаси ҳамон Астарта тўғрисидаги фикрлар билан банд эди, унинг таклифини қабул қилолмасди. Аммо у зудлик билан қабила бошлиқларининг ҳузурига борди, уларга бенва билан бўлиб ўтган суҳбатни гапириб берди ва янги қонун қабул қилишни ва бу қонунга биноан аёлларга бирор ёш йигит билан камида бир соат суҳбатда бўлгандан кейингина ўзларини ёқишига ижозат берилишини маслаҳат берди. Шундан буён Арабистонда биронта ҳам аёл ўзини ёқмади. Неча асрлардан буён давом этиб келаётган бу бемаъни удумнинг бискор қилинганилиги учун ҳамма Задигдан миннатдор эди. Шундай қилиб, Задиг бутун Арабистоннинг мурувватли раҳнамосига айланди.

КЕЧКИ ОВҚАТ

Сеток Задигни ер юзининг барча бурчакларидан катта савдогарлар келадиган Бассора бозорига олиб борди. Бу Задигда сезиларли ўзгариш ясади: унинг назарида,

дунё Вассорада йигилган катта бир оила эди. Бу ерга келган кунининг эртасига ёқ мисрлик, Ганга бўйларидан келган ҳинди, чиройлик юони, кельт ва бошқа ўзга юртлилар билан бир столда ўтиришга тўғри келди. Улар араб тилини мукаммал билишар, бир-бирлари билан эркин гаплаша олардилар. Мисрлик дарғазаб кўринарди.

— Қанақа бўлмағур шаҳар экан бу Бассора! — деди у. — Энг ишончли гаров эвазига менга минг унция олтин бермайдилар.

— Нега энди? — сўради Сеток. — Қандай гаровга сизга бу суммани беришяпти?

— Холамнинг жасади учун, — деди мисрлик, — у Мисрнинг энг жасур аёли эди. У менинг доимий ҳамроҳим эди. У йўлда вафот этди ва менинг жасадидан энг ажойиб мўмиё ясадим, ўз юртимда бу гаров учун истагаң нарсамни олишим мумкин эди.

Мисрлик қайнатилган товуқни емоқчи бўлиб турганда, ҳиндистонлик сўраб қолди:

— Нима қилмоқчисиз ўзи?

— Товуқни емоқчиман!

— Тўхтанг! — бақирди гангалик. — Марҳуманинг руҳи шу товуққа ўтган бўлиши мумкин, сиз ахир, ўз холангизни емасангиз керак? Товуқни қайнатиш табиатни ҳақорат қилиш демакдир.

— Биз ҳўқизга сифинамиз, лекин унинг гўштини еймиз, — деди мисрлик дарғазаб оҳангда.

— Ҳўқизга сифинасизлар? Бу мумкинми, ахир? — қичқирди ҳиндистонлик.

— Нега энди мумкин эмас — деди мисрлик. Бир юз ўттиз беш минг йилдирки, ҳўқизга сифинамиз, ҳеч ким бу нарсадан ёмонлик кўрган эмас.

— Ана холос, бир юз ўттиз беш минг йил эмиш! — деди ҳиндистонлик. — Сиз яширяпсиз! Ҳиндистонда одам яшаётганига саксон минг йил бўлди, демак, биз сизларга нисбатан, албатта, қадимиёроқмиз. Сизнинг ақлингизга ҳўқизларни кабоб қилиб ейиш фикри келмасдан олдин бизга уларни истеъмол қилишни таъқиқлашган эди.

— Сизнинг қизиқчи Браҳманингизга бизнинг Апис билан беллашишга йўл бўлсин! — деди мисрлик. — У қандай бир дуруст иш қилди ўзи?

— У одамларни ёзиш ва ўқишга ўргатди. Шахмат ўйини учун улар Браҳмандан миннатдор бўлмоқлари керак!

— Сиз янглишяпсиз,— деди унинг ёнида ўтирган халдэй. — Барча бу улуг ишлар учун биз Оаниесдан миннатдормиз ва адолат юзасидан фақат ўшани эъзозлашимиз керак. Унинг илоҳий мавжудот эканлигини ҳар қандай киши тасдиқлади. Ҳар куни у сувдан уч соатга чиқиб, одамларга ваъзхонлик қиласди. Ҳар бир кишига маълумки, Оаниес балиғининг бир нечта ўғиллари бўлиб, улар кейинчалик шоҳ бўлишган. Менда унинг сурати бор ва унга керагича ҳурмат-эҳтиром кўрсатаман. Ҳўқизларни қанча бўлса сийш мумкин! Бунинг устига иккалангиз ҳам унчалик қадимий ва аслзода эмассизки, мен билан баҳслашсангиз. Миср халқи фақат бир юз ўттиз беш минг йилдан бўён мавжуд, ҳиндлар саксон минг йиллик ҳаётлари билан мақтанишлари мумкин, бироқ бизнинг тақвимимиз тўрт минг асрни ўз ичига олади. Менга ишонингизлар, ўзингизнинг бемаъни сафсатангиздан воз кечингиз ва мен сизнинг ҳар бирингизга Оаниеснинг тасвирини бераман.

Шунда суҳбатга Камбулу вакили аралашди ва деди:

— Мен мисрлиларни, холдейларни, юнонларни, кельтларни, Браҳманни, Апис ҳўқизини, гўзал Оаниес балиғини жуда ҳурмат қиласман. Ваҳоланки, Ли ёки Тянь¹, қандай хоҳласангиз, шундай атанг, сизларнинг ҳўқиз ва балиқларингиз билан баравар туради. Мен ўз мамлакатим ҳақида гапирмоқчи эмасман: у Мисрдек улкан, Халдэя ва Ҳиндистонни қўшиб ҳисоблаганда улардан каттадир. Мен келиб чиқишнинг қадимийлиги тўғрисида баҳслашмоқчи эмасман, чунки муҳими бахтили бўлишидир, уругнинг қадимийлигининг эса аҳамияти йўқ. Тақвимлар масаласига келсак, айтишим мумкинки, бутун Осиёда бизнинг тақвимларимиз қабул қилинган биз улардан фойдаланганимизда, халдейликлар ҳалириёзиётни билмас эдилар.

— Сиз ҳаммангиз нодонсиз! — қичқирди юон. Наҳотки, ҳамма нарсанинг отаси хаос эканлигини, шакл ва материя дунёни ҳозирги ҳолатга келтирсанлигини билмасангиз?

Мунозара давомида сал ортиқча отиб олган ва ўзини бошқалардан кўра ўқимишлироқ деб ҳисоблаган келт

¹ Хитойча Ли — ёруғлик, нур, ақл-заковат, Тянь — осмон кўзлари бўлиб, "илоҳиёт" маъносида ишлатадилар.

шами танини бўлди. У қасам ичиб айтдики, Тейтат ва тоғарда ўсувчи омелагина улар ҳақида гапиришга арнисди. У чўнтағида ҳаммавақт омеласи борлиги, скиф-шар, унинг ота боболари, ср юзидағи энг тўғри — ҳалол одамлар бўлганлиги, уларнинг одамхўр бўлмаганликлари ҳақида гапирди ва ниҳоят, кимки Тейтат тўғрисида ёмон фикрда бўлса, унга кўрсатиб қўяжаги тўғрисида ҳам пўписа қилди.

Баҳс жиддий тус олди: Сеток қон тўқилишидан хавфсирай бошлади. Шу пайтгача сукут сақлаб ўтирган Задиг ўрнидан туриб, аввало, кельтга мурожаат қилиб, унинг юз карра ҳақ эканлигини айтди-да, ундан омела сўради. Сўнгра юононнинг нотиқлик санъатини мақтади ва секин-аста сув сепиб қизиган даврани совутди.

Хитой бошқалардан оқилроқ эди, унга бир неча сўз кифоя қилди. Ниҳоят, задиг уларга қараб:

— Дўстлар, сизлар беҳудага баҳслашайпсизлар, не-гаки ҳаммангиз бир фикрдасизлар,— деди. Бу фикрни ҳамма бирдан рад этди.

— Сиз омелага эмас, балки уни ва дубни яратганга сажда қиласиз, шундай эмасми?— сўради Задиг кельтга.

— Шундай!— жавоб берди кельт.

— Сиз бўлсангиз, жаноб мисрлик, ҳўқиз сизга бир туҳфа эканлигини билсангиз керак?

— Ҳа,— деди мисрлик.

— Оаннес балифи,— давом этди Задиг,— биринчиликни денгизни ва балиқларни яратганга бериш керак.

— Розиман!— деди ҳалдей.

— Ҳинди ҳам, хитой ҳам,— қўшиб қўйди Задиг,— сизга ўҳшаб, қандайдир бош сабабни тан оладилар. Мен юон байён қилган, таҳсинга лойиқ фикрларни унчалик яхши тушунолмаган бўлсам-да, аммо ишонаманки, у ҳам ўзига шакл ва материяни бўйсундирган олий мавжудотни тан олмоқда.

Бошқалар ҳам юоннга тахсин ўқимоқда эдилар. Задиг менинг фикримни аъло даражада тушунибди, деб жавоб берди.

— Шундай қилиб, барчангиз бир фикрдасиз,— деди Задиг. — Демак, мунозара қиласиган нарсанинг ўзи йўқ.

Ҳамма уни қучоқлади. Сеток ўз молларини яхшигина пуллагач, Задиг билан ўз қабиласига қайтди. Задиг у срда ўзининг суд қилинганини, секин ёнадиган ўтда куйдирилишга ҳукм чиқарилганини билди.

УЧРАШУВ

Задигнинг Бассорага саёҳати пайтида коҳинлар уни жазолашга қарор қилишди. Улар гулханга жўнатадиган ёш тул хотинларнинг қимматбаҳо тош ва безаклари қонуний равишда уларга тегарди. Задигнинг аччиқ ҳазили учун уни оловда ёқиши ҳам камлик қиласди. Шу туфайли улар Задигни осмон ёритқичларига нисбатан даҳрийликда айбладилар ва унинг гўё юлдузлар денгизга ботмайдилар, деб тасдиқлаганини эшитдик, деб қасам ҳам ичдилар. Бу куфлик ҳакамларни ларзага келтирди. Бу гуноҳ сўзларни эшитган судялар ўз кийимларини қийма-қийма қилишларига оз қолди, Задигнинг бу кийимлар учун тўлайдиган нарсаси бўлганда, шундай қиласдилар ҳам. Дардли алам хуружида, уни секин ёнадиган ўтда ёқишга ҳукм қилиш билан кифояланиб қолдилар. Умидсизликка тушган Сеток дўстини қутқариш учун ўзининг бутун куч-ғайратини ишга солди, аммо уринишлари бефойдалигини айтиб, уни тинчлантиришга муваффақ бўлдилар. Задигдан қарздор бўлган ва унга жуда боғланниб қолган ёш бева Альмона уни гулхандан қутқариб қолишга азму-қарор қилди. Ҳеч кимга ҳеч нарса демасдан пухта режа тузди. Задиг эртасига эрталаб қатл этилиши лозим эди, уни қутқариш учун Альмонанинг ихтиёрида бир кеча бор эди.

У чиройига чирой қўёшиш учун ўзига зеб берди, нафис кийимларини кийди. Олий юлдузлар коҳинидан ўзини шахсан қабул қилишини сўради. Бу ҳурматли қария олдига келгач, у шу сўзлар билан мурожаат этди:

— Катта Айиқнинг катта ўғли, Бузоқнинг оғаси, Катта Итнинг амакиваччаси (бу руҳонийнинг номлари шунаقا эди), мен сизга ўзимни қўрқув ва шубҳаларимни айтмоқчиман. Қадрдон эримнинг орқасидан гулханга чиқмай катта гуноҳ қилиб қўйдимми деб ваҳимадаман. Ҳақиқатан ҳам мен нимани ҳам асрарим керак эди? Мана сўлиган ва бузилаётган жасадними?— Шундай деб, узун шойи енгларини шимарди ва кўзни маҳлиё этадиган оппоқ билакларини кўрсатди.

— Кўряпсизми, улар ҳатто қарашга ҳам арзимайди.

Лекин олий коҳин, жуда арзийди деб ҳисоблади, ҳатто умримда бундай гўзал қўлларни кўрмаганман, деб қасам ичди.

Қўллар учалик эмасдир, лекин, ишонинг, кўкракка сира ҳам афсусланмайман,— деди у ва оппоқ, бўлиқ, этни жунжиктирувчи сийнасини очди.

Унинг сийнаси олдида фил суюгидан ясалган гунча шамшод хира тортар, эндигина ювилган қўзичалар ифлос-сариқ бўлиб кўринарди. Ишқий лаззатга ташна шаҳло кўзлар, гулгун ёноқлар, пўрсилдоқ лаблар қаријанинг эҳтиросини жунбушига келтирди, у ўзини гўёйигирма ёшлик йигитдек ҳис қилиб, унга талпинганини сезмай қолди. Унинг ёнаётганини кўрган Альмона Задигни авф этишини илтимос қила бошлади.

— Афсус, гўзал хоним,— деди олий коҳин,— уни авф этиш учун буйруқ менинг яна учта ҳамкасбим томонидан имзоланиши лозим.

— Имзо чекинг ҳар ҳолда!— деди Альмона.

— Бажонидил,— жавоб берди коҳин,— фақат битта шартим бор: снгилтаклигим учун мени ўз муруватингиз билан мукофотлайсиз.

— Сиз менга катта илтифот кўрсатяпсиз,— деди Альмона.— Қуёш ботиб уфқда Шит юлдузи пайдо бўлгач, меникига келсангиз, нима хоҳласангиз, шунга розиман.

Альмона у срдан бош коҳиннинг имзоси қўйилган қоғоз билан чиқди. Муҳаббат орзусида қолган ва ўз кучига ишонмаган қария куннинг қолган қисмини юваниш билан ўтказди. Цейлон долчини ва Тидор ҳамда Тернатнинг қимматбаҳо дориворларидан қилинган ичимликдан истеъмол қилгач, Шит юлдузининг пайдо бўдишини сабрсизлик билан кута бошлади.

Гўзал Альмона иккинчи коҳинни ҳам излаб топди.

Коҳин унинг қуёш, ой ва барча самовий ёритқичлардан гўзалроқ, нурлироқ эканлигини айтиб, у ҳам дил изҳорини билдириди. Альмона қоғозга қўл қўйдириб олгач, у билан Алжануб юлдузи чиққанда учрашишга келишди. Унинг олдида чиққач, учинчи ва тўртинчи коҳинникига борди, уларнинг ҳар бирининг имзосини олди ва бошқа юлдузларнинг чиқишига қараб улар билан учрашув тайинлади. Шундан сўнг уйига қайтди ва бу ерга таклиф этилган ҳакамларга тўртта имзони кўрсатди ва қандай мукофот эвазига коҳинлар Задигнинг авфини сотганларини айтди. Кейин коҳинлар бирин-кетин тайинланган вақтда пайдо бўлишди: ўз ҳамкасларини, хусусан, ҳакамларни кўриб, тош қотдилар; Задиг қутқарилди, Альмонанинг топқирлигига қойил қолган Сеток унга уйланди.

Ўз ҳалоскорини тавоб қилгач, Задиг жўнаб кетди. Сеток билан хайрлашаётib, абадий дўст бўлиб қолишга

қасамёд этишиди, қайси бирлари биринчи бўлиб шуҳрат ва бойликка эришса, бошқасини хабардор қилишга вавдалашишиди.

Задиг Суря томонга йўл олди. У ҳамон баҳтиқаро Астарта тўғрисида ўйларди.

— Бу қанақаси бўлди?!— деди у. — Итнинг чопиб кетаётганилигини кўриб қолганим учун менга тўрт юз унция олтин бердилар! Подшоҳни куйлаган тўрт қатор ёмон шеърим учун ўлимга маҳкум этилдим! Маликанинг туфлисинг ранги қалпоғимнинг рангига ўҳшаганилиги учун бўғиб ўлдиришларига сал қолди! Калтак сўстган аёлни қутқарганлигим учун қул қилиб сотдилар: гулханда ёқмоқчи эдилар, мўъжиза билан тирик қолдим, чунки мен барча бева араб хотинларининг ҳаётини асраб қолдим!

ҚАРОҚЧИ

Задиг Тошлоқ Арабистоннинг Сиря билан чегара-сига стиб келди. Мустаҳкам бир қалъа ёнидан ўтаётганида, қуролли араблар Задигни ўраб олишиб: "Сизнинг ҳамма нарсангиз бизники, ўзингиз эса, хўжайнимизни бўласиз!" деб ҳайқиришиди. Жавоб ўрнига Задиг қиличини суғурди, жасур хизматкор ҳам шундай қилди. Қўл кўтарган биринчи арабларни сртишилатишиди. Ҳужум қилувчилар сони икки баравар кўпайди, лекин йўловчилар руҳан тушмадилар ва қўлда қурол билан ҳалок бўлишга аҳд қилдилар. Икки киши бутун бир тўдадан ўзини ҳимоя қиласди. Бундай тенгизиз жанг узоққа чўзилмади. Қалъанинг Арбогад исмли хўжайнини Задигнинг мардлигини кўриб, ўз одамларини қувиб юборди ва уларни қутқарип қолди.

— Қўлимга тушган ҳамма нарса меники,— деди у. Лекин сизнинг мардлигиниз туфайли ҳеч нимангизга тсгмайман. Задигни қалъага олиб келиб, ўз одамларига у билан яхши муомала қилишни тайинлади, кечқурун эса Задигни овқатга таклиф қилди.

Қалъанинг хўжайнини ўғри лақабли араблардан эди, кўплаб ёмонликлар билан бир қаторда баъзан яхшиликлар ҳам қилиб турар, энг муҳими, очиқ кўнгилли киши эди. Задиг унга жуда ёқиб қолди.— Менга ишга киришингизни маслаҳат бераман— таклиф қилди Арбогад.— Сиз бунга афсусланмайсиз, чунки менинг касбим

даромадли касб, вақти келиб, меникидан кам бўлмаган мансабга Эришишингиз мумкин.

— Сўрашга изн берсангиз,— деди Задиг, сиз бу олий-жаноб касб билан кўпдан машгулмисиз?

— Эрта болалагимдан бошлаб бир чапдаст арабнинг хизматкори эдим,— жавоб берди у. — Менинг аҳволим чидаб бўлмас даражада эди. Барчага баравар тегишли бўлган замиида тақдир мен учун ҳеч нарса қолдирманини кўриб умидсизланардим. Кекса араб менга: "Умидсизланманг, ўғлим. Бир замонлар битта қум зарраси мен ҳеч нарса эмасман деб зорланди. Неча йиллар ўтгач, у олмосга айланди ва ҳозирги кунда ҳинд подшоси тожининг энг гўзал беҳзаги ҳисобланади". Бу сўзлар менда катта таассурот қолдирди: мен қум зарраси эдим, олмос бўлишга қарор қилдим. Ишни иккита отни ўғирлашдан бошладим, кейинчалик ҳамтоворқлар йиғиб, кичик-кичик карвоинларни талай бошладим. Шу йўсинда мен ўзим ва ўзгалар орасидаги муносабатлар тенгсизлигини бартараф қилдим. Бу дунё нозу-несъматларидан мен ўз улушимни олдим ва ҳатто керагидан ортиқроқ тақдирландим. Мен қароқчи-хўжайнман, менга катта ҳурмат билан қарайдилар. Қурол ёрдамида мен бир қальяга эга бўлдим. Суриялик ҳоким уни мендан тортиб олмоқчи бўлди, лекин энди шунчалик бой эдимки, ҳеч нарсадан қўрқмасдим. Мен ҳокимга пул бердим ва нафақат қальяни қўлимда сақлаб қолдим, балки ер-сув, мол-мулкини кўпайтирдим. У ҳатто мени ўлпон йиғувчи қилиб тайинлади. Ҳозир ўлпон йиғаман, лекин ўзим тўламайман.

Кунларнинг бирида Бобилнинг буюк Дестерхам шоҳи Моабдор номидан қандайдир ҳокимчани мени бўғиб ўлдириш учун юборди. У стиб келмасдан ҳамма нарсадан хабар топгандим. Унинг кўз ўнгида ҳаётимга қасд қилган тўрт нобакорни бўғиб ўлдиришга амр бердим ва сўнгра, унга бу топшириқ учун қанча тўлашини сўрадим. Уч юз олтингача олишини айтди. Менга хизмат қилсанг, бундан бир неча хисса кўпроқ тўлайман, дедим. У рози бўлди: уни ўринбосар қилиб тайинладим. Ҳозир у менинг энг яхши ва энг бой ёрдамчиларимдан биттаси. Менга ишонаверинг, сиз ундан кўпроқ муваффақиятга эришасиз. Ҳеч қачон ўғрилик учун ҳозиргидай қулавай пайт бўлган эмас, чунки Моабдор ўлдирилган ва Бобилда тартибсизлик ҳукмрон.

— Нима? Маобдор ўлдирилганми?— қичқириб юборди Задиг. — Малика Астартачи, унга нима бўлган?

— Билмайман,— жавоб берди Арбогад,— ёлғиз шуни биламанки, Маобдор ақлдан озган, у ўлдирилган, Бобил ҳақиқий қароқчилар маконига айланган, мамлакат ҳувиллаб қолган, мен у ерга бир нечта ажойиб босқинлар қилдим.

— Бироқ малика?— зорланди Задиг,— худо ҳаққи, унинг тақдири ҳақида ҳеч нарса билмайсизми?

— Гиркания шаҳзодаси ҳақида нимадир дейишганди,— жавоб берди у.— Агар тўс-тўполонда ўлдиримаган бўлса, чорвага олинганлар орасида бўлса ажаб эмас. Мени ғийбатдан кўра кўпроқ ўлжак қизиқтиради. Босқинлар пайтида мен кўплаб хотинларни асирилкка олардим, лекин биронтасини ҳам ўзимга қолдирмаганман. Гўзалларини қиммат нархда сотаман. Малика Астартани ҳам мен сотиб юборгандирман, балки вафот этгандир, бунинг менга қизиги йўқ ва, ўйлайманки, унинг Сиз учун ҳам ҳеч қанақа аҳамияти йўқ.

Задиг қимиirlамасдан ўтирап, маъюс ва эзилган эди. Арбогад ичишдан ва турли ҳикоялар айтишдан тўхтамас, тинмасдан одамларнинг энг баҳтлиси эканлигини такрорлар, Задигни ҳам ўзидай баҳтиёр бўлишга ундарди. Охири винодан боши гангиг, ухлаб қолди.

Задиг тунни қаттиқ ҳаяжонда ўтказди. "Демак,— деди у ўзига ўзи,— шоҳ ақлдан озган, ўлдирилган!.. Унга ачинмасдан иложим йўқ! Давлат таназзулга юз тутган, бу қароқчи эса баҳтиёр! Оҳ, пешона! Оҳ, тақдир! Үғрининг толеи баланд, табиат яратган энг гўзал мавжудотлардан бири, эҳтимол энг даҳшатли бир тарзда ўлгандир, ёки ўлимдан ҳам оғирроқ шароитда яшаётгандир. Эҳ, Астарта! Сизнинг аҳволингиз қалай?"

Тонг оқариши биланоқ у қалъа яшовчиларини сўроққа тута бошлади. Бироқ, ҳамма банд эди, ҳеч ким унга жавоб бермади: улар тунги ўғирликдан кейинги ўлжани бўлиш билан овора эдилар. Ҳар қачонгидан кўра ғамгин ўйларга толган Задиг кетишга рухсат олиб йўлга тушди. У тўхтовсиз баҳтсиз Астарта, Бобил шоҳи, содиқ Кадор, баҳтли Арбогад, Миср чегарасида бобилликлар томонидан ўғирланган терс аёл ва алҳосил, бошидан кечирган барча баҳтсизликлари ва дарду-аламлари тўғрисида ўйлар эди.

БАЛИҚЧИ

Баҳтсизлигидан қайғуриб, чўлу-биёбон ошиб юрган Задиг Арбогад қалъасидан бир неча миль нарида оқаёт-

ган дарё лабига келиб қолди. Қирғоқда нимжон қўлида тўр ушлаган балиқчи осмонга тикилиб ётарди.

— Бу дунёда мендан ҳам баҳтсизроқ киши борми-кан?— деди у. Ҳамма таң олганидек, қаймоқли пишлоқ билан савдо қилувчи Бобил савдогарларининг энг омадлиси мен эдим. Менинг гўзал хотиним бор эди, у менга хиёнат қилди; омонатгина уйим бор эди, уни кўз олдимда ғорат қилдилар ва буздилар. Тамом хонавайрон бўлдим. Энди эса чайлада тураман, ягона овқатим — балиқ, лекин бундан ҳам омадим кетди, балиқ илинмай қўйди. О, менинг тўрларим! Мен сизни сувга бошқа ташламайман, ўзимни ташлайман,— шундай деб у ўрнидан турди ва дарёга томон йўл олди.

— Мен неларни кўряпман!— ҳайрон бўлди Задиг. — Демак, мен каби баҳти забун кишилар бор экан-да! У ютуриб бориб, балиқчини тўхтатди, мулоийимлик билан ҳол-аҳвол сўради ва юпатди. Ўзгаларнинг дарди-алами-ни кўрган киши ўзини унчалик баҳтсиз ҳис қилмайди. Зардуш фикрича, бу кишининг қалб кечинмасига боғлиқ. Баҳтсиз кишиларнинг кайфиятлари бир-бирла-рига ўхшаш бўлганилиги учун ҳам улар бир-бирларига яқин тортадилар ва икки қалб бир жуфт дараҳтдек, бир-бирига суюниб, бўронга қарши турадилар.

— Нега ғамнинг устун келишига йўл қўймоқдасиз?— сўради Задиг балиқчидан.

— Чунки мён бошқа йўлни кўрмаяпман,— жавоб берди у.— Мен Бобил атрофидаги Дерльбак қиши-логининг кишиси эдим, хотинимнинг ёрдамида бутун давлатда машҳур бўлган энг яхши қаймоқли пишлоқлар тайёрлар эдим. Малика Астарта ва машҳур вазир Задиг бу пишлоқларни жуда ҳам күш кўрар эдилар. Мен уларга олти юзта пишлоқ сотдим. Бир куни Бобилга жўнадим — уларнинг пулини олмоқчи бўлдим ва итти-фоқо билдимки, малика Астарта ва Задиг йўқолиб қол-ганмиш. Мен жаноб Задигнинг уйига югурдим, уни шу чоққача кўрмаган эдим; у ерда буюк Деестерламнинг полицайларини учратдим. Улар қўлларида подшоҳнинг буйруги билан, қонуний асосда ва тартибли равишда унинг уйини таламоқда эдилар. Сўнгра, маликанинг ошхонасига югурдим: у ерда баъзи шоҳ ошпазлари уни ўлган деса, бошқалари қамоқда, учинчилари эса, уни қочиб кетган дейишарди, аммо ҳаммалари бир овоздан пишлоқ учун ҳеч нима тўланмаслигини таъкидладилар.

Хотиним билан жаноб Орканниги бордик, у менинг доимий харидорларимдан эди. Биз ундан ёрдам кўрсатишини илтимос қилдик. У хотинимга ёрдам берди, менга рад жавоб қилди. Хотиним, қаймоқли пишлоқдан ҳам оқроқ эди, менинг мусибатларим ана шундан бошланди, ҳатто энг қирмизи анорнинг ҳам унинг юзлари олдида ранги ўчарди. Шу боисдан Оркан уни уйида қолдириб, мени қувиб юборди. Мен азизамга илтижо қилиб мактуб битдим, у эса мактубни элтувчиға: "Ҳа, ҳа! Мен биламан, ким ёзган бу мактубни, уни қаймоқли пишлоқлар устаси, деб эшигтанман. Менга пишлоқларидан юборсин, ҳақини тўлайман", — дебди.

Қайғу-аламда қолгач, судга мурожаат қилдим. Менда олти унция олтин қолганди: унинг иккитасини маслаҳат олганлигим учун қонуншуносга, иккитасини менинг ишим билан шуғулланган прокуроррга ва иккитасини бош ҳакам котибига беришга тўғри келди. Менинг ишим бошланмасдан, пишлоқларим ва хотинимни ҳам бирга қўшиб ҳисоблагандা, кўпроқ чиқум қилдим. Хотинимни қайтариб олиш ниятида уйимни сотай деб қишлоғимга қайтиб келдим.

Уйимни шошилинч сотишим кераклигини ҳамма кўриб турагар, уни олтмиш унция олтинга сотиш ниятида эдим. Мен мурожаат қилган биринчи одам ўттиз унция, иккинчиси — йигирма, учинчиси ўн унция олтин таклиф қилди. Фам-аламдан гангиг, рози бўлишимга оз қолди. Лекин худди шу лаҳзада Гиркания шоҳи Бобилга бостириб кирди ва йўлида учраган ҳамма нарсани ёқди ва қиличдан ўтказди. Уйимни аввал ғорат қилдилар, сўнгра ёқиб юбордилар.

Хотиним, уйим, пулларимдан ажралгач, шу ўлкаларга келиб қолдим. Кўриб-турганингиздек, менинг устимдан кулмоқдалар. Очликдан ўладиган ҳолатдаман. Сиз бўлмаганингизда, мени аллақачон ўзимни дарёга ташлардим.

— Демак, маликанинг тақдирини ҳақида ҳеч нарса билмайсиз?

— Йўқ, жаноб,— жавоб қилди балиқчи,— мен фақат шуни биламанки, малика ва Задиг қаймоқли пишлоғимнинг пулини тўламадилар, хотинимни мендан тортиб олдилар ва ҳозир ноилож аҳволдаман.

— Ишончим комилки,— деди Задиг,— пулларингиз йўқолмайди. Менга ўша Задиг ҳақида гапиришган, уни

ҳалол одам дейишганди. Агар у Бобилга қайтса, у бунга ишонади, қарзини ортиғи билан тұлайды, хотинингиз ма-саласига келсак, у унчалик тоза ҳам әмас экан, уни яна қидириб юришни маслаҳат бермайман. Менга ишонинг, Бобилга йўл олинг, сиз яёвсиз, мен отда сиздан олдин етиб бораман. Ўша машҳур Кадорга учрашинг, унга дўстингизни учратдим денг ва мени униқида кутинг. Жўнанг. Бир умр баҳтсиз бўлиб қолмайсиз. Эй, қудратли Оромазд,— давом этди Задиг,— бу одамни юпатиш учун сиз мени сайладингиз, мени юпатиш учун эса кимни сайлайсиз?— Шундай деб, Арабистондан келтирилган пули-нинг ярмини балиқчига берди, ҳайратда қолган ва боши осмонга етган балиқчи унинг оёғларини ўпаркан: "Сиз фаришта — менинг ҳалоскоримсиз!"— деди ўпкаси тўлиб.

Шу аснода Задиг Бобил ҳақида суриштиришда давом этди.

— Наҳот, сиз ҳам баҳтсиз бўлсангиз, жаноб?!— деди балиқчи.

— Сендан кўра юз карра шўрпешонаман!— жавоб берди Задиг.

— Сахийдан тиланчи баҳтлироқ бўлиши мукинми, ахир?— давом этди тушунолмай соддадил балиқчи.

— Гап шундаки,— жавоб берди Задиг,— сенинг баҳ-тисизлигинг — муҳтожлик, менини эса ўз қалбим, дар-димдир.

— Оркан хотинингизни тортиб олгани йўқми?— сўради балиқчи.

Бу Задигга унинг оғир кўргуликларини эслатди, ма-ликанинг урғочи итидан бошлаб то қароқчи Арбогад билан бўлган учрашувгача тортган мусибатларини бир-ма-бир хаёлидан ўтказди.

— Ҳа,— деди у балиқчига қараб,— Оркан жазога мустаҳиқ бўлмоғи лозим, ваҳоланки, худди шундай ки-шилар тақдирнинг муруватидан баҳраманд бўладилар. Қандай бўлмасин, жацоб Кадорнинг олдига бор ва уни-кида мени кут.

Улар ажralишилар: балиқчи ўз тақдиридан мин-натдор, Задиг эса, норози эди.

КАЛТАКЕСАК

Бир яйловга етиб келган Задиг ниманидир қидира-ётган хотинларни кўрди. Аёллардан бирига яқин бориб қидириув ишларинингда ёрдам беролмайманни, деб сўради.

— Худо сақласин,— деди суряялик аёл,— биз қиди-раётган нарсага фақат аёллар қўл теккизишлари мумкин.

— Жуда ғалати-ю,— деди Задиг. Фақат аёллар қўл теккизиши мумкин бўлган нарса нима экан?

— Калтаксек!— жавоб берди у.

— Калтаксек? Марҳамат қилиб айтсангиз, уни нима учун қидиряпсизлар?

— Давлатпаноҳимиз ва ҳукмдоримиз Огул учун. Ана унинг саройи, яйловнинг охирида, дарёнинг нариги томонида, қирғоқда. Биз унинг камтарин қулларимиз. Жаноб Огул бетоб, табиб унга гулобда қайнатилган калтаксекни ейишни буюрган, бу жонивор жуда ноёб бўлганлиги ва уни фақат аёллар тутиши мумкинлиги туфайли Огул қайси биримиз унга калтаксекни келтирсак, ўшани ўзининг севимли хотини қилишга сўз берди. Агар малол келмаса, қидиришимга халал бермасангиз, албатта, агар дугоналарим мендан олдин топиб боришича, қанча нарса йўқотишимни ўзингиз тушунасиз.

Задиг суряялик аёлга ва унинг дугоналарига калтакесекни қидиришга халал бермади ва йўлида давом этди. У кичик бир ирмоқ бўйига стиб келгач, ҳеч нарса изламасдан, қўёшида ётган бир аёлга кўзи тушди. Унинг кўриниши улуғвор, юзига парда тортиғлиқ эди. У сувга қараб эгилганча турар, оғир-оғир уф тортарди. Қўлидаги кичик таёқча билан қум устида қандайдир ҳарфларни чизарди. Задиг аёлнинг нима ёзётганини билишга қизиқди. У яқинроқ борди, аввал "З", сўнгра "а" ҳарфларини кўрди. Бу уни ажаблантириди. Сўнгра "д" пайдо бўлди. У қалтираб кетди. Ўз исмининг икки ҳарфини кўрганда, ҳайратининг чеки йўқ эди. Бирлаҳза у қотиб қолди, сўнгра титроқ овозда:

— Марҳаматли хоним, тақдир таъқиб қилувчи, мен нотанишни авф этсангиз, сиздан бир нарсани сўрашга журъат қилмоқчиман: қандай гаройиб тасодиф туфайли сизнинг илоҳий қўлларингиз "ЗАДИГ" номини ёзди?

Аёл қўллари қалтираб юзидағи ҳижобни кўтарди: Задигни кўриб ҳайратдан, муҳаббат ва шодликдан қичқириб юборди ва кучли эҳтиосларни кўтаролмай, ҳушдан кетди. Бу Астарта — Бобил маликаси эди, бу ўша Задиг севган аёл, уни изтиробга соглан фаришта эди. Задиг уни деб қанчалар қайғуларга ботмади.

Эй, ожиз бандалар тақдирини белгиловчи, сиз, қудратли худолар! Наҳотки, менга Астартани қайтармоқда-

сиз? Қачон, қайси жойда, қайси шароитда мен уни кўрмоқдаман! — Шу сўзлар билан у Бобил маликаси нинг олдида тиз чўкди ва пешонасини унинг пойига қўйди. Бобил маликаси Задигнинг бошини кўтариб, уни ёнига ўтказди. Астарта кўзларидан оқаётган қувонч ёшларини тез-тез артар, гапирап, қандай тасодиф билан келиб қолганини сўпар ва уни жавоб беришга ҳам қўймасдан, янги-янги саволлар берар, ўз мусибатлари ҳақида сўзларди. Задиг кулфатлари ҳақида қисқа гапириб берди.

— Аммо, сиз, ҳурматли маликам, қандай қилиб бу ерларга, чекка жойларга келиб қолдингиз?

— Улар ҳозир калтакесак излайверишин,— деди гўзал Астарта.— Мен сизга чеккан барча изтиробларимни ва сизни яна кўришга имкон бергани учун тангридан миннатдор эканлигимни сўзлаб бераман. Маълумингиз-ким, саройда сизнинг энг ардоқли одам бўлганингиз шоҳга, менинг эримга ёқмасди. Шу сабабдан сизни бўғиб ўлдиришга, мени заҳарлашга азму-қарор қилдилар. Сиз, шунингдек яна биласизки, менинг гунг паканамни оллоҳ бу фожиадан хабардор қилди. Содиқ Кадор, менинг иродамни бажаришга ва жўнаб кетишга сизни кўндиригач, тун ярмида яширин йўл билан менинг олдимга келди ва мажбуран Оромазд маъбадига олиб борди. Бир коҳин мени ўерга яширди. Мен яширган жой ибодатхонанинг пойдеворига, боши эса, гумбазига тегиб турарди. Ўзимни гўё гўрдагидек ҳис қилдим. Менга коҳин хизмат қилди, ҳеч нарсага муҳтоҷлик сезмасдим. Бу орада эрта саҳарда ҳазрати олийларининг дори тайёрловчи табиби заҳар олиб, ётоқхонамга киради. Шоҳнинг шахсий соқчиларидан бири кўк шойи арқон билан сизникуга боради. Лекин ўзингиз билганингиздек, мени ҳам, сизни ҳам топишолмайди. Кадор шоҳни дурустроқ алдаш мақсадида иккаламизни айбловчи сифатида чиқишига қарор қилди. У сизни Ҳинд, мени эса Мемфис томонга йўл олишган, деди: сиз ва менинг орқамдан изқуварлар жўнатилади.

Чопарлар мени танишмасди, чунки сиздан бошқа ҳеч ким юзимни кўрмаганди. Миср чегарасида қаддиқомати менинига ўхаш, жозибадорроқ аёлни кўриб қолишиади. Аёл кўз ёшлари тўкар, ғамли изтиробда эди. Уни Моабдор қошига келтирадилар. Дастлаб шоҳ чопарлардан қаттиқ ғазабланади, лекин, аёлга жиддийроқ

назар солиб, гўзалигини кўргач, таскин топади. Унинг оти Мисуфа бўлиб, мен кейинчалик унинг миср тилида "нозли гўзал" деган маънони билдиришини билиб олдим. Мисуфа Маобдарга ёқиб қолади. У шоҳни қўлга олади ва охири, уни хотиним деб эълон қилишга мажбур бўлади. Аста-секин ҳақиқий фсъл-автори намоён бўла бошлайди: у хаёлига келган истагининг ижро этилишини талаб қиласади. Коҳин унинг талабини рад этади, натижада таъқиб остида қолади. Сўнгра отбоқарлар бошлиғига мураббولي пирог пиширишини буюради. У пирог пиширмайман деб қанчалик ялинмасин, барибир буйруқни бажаришга тўғри келди ва пирогни куйдирганини учун қувив юборилади. Отбоқар ўрнига ўз миттивойини, девонхона бошлиғи ўрнига бир маҳрамни тайинлади. У Бобилни шу тариқа идора қилди. Ҳамма мени эслаб афсусланарди. Шоҳ ҳам ўзининг барча яхши хислатларини гўзал хонимнинг нозу-таманноларига бўлган эҳтиросларига кўмган эди.

Муқаддас олов куни шоҳ ибодатхонага келди. Мисуфа учун тоат-ибодат қилди. Мен: "Худолар ақлли хотинини ўлдирмоқчи бўлган шоҳнинг тоат-ибодатларини қабул қилмайдилар", — деб бақирдим.

Моабдор бу сўзлардан эсини йўқотди ва бир неча кундан кейин ақлдан озди.

Бобилликлар уни худо жазолади, деб ҳисоблашди. Халқ қўзгалиб, қўлига қурол олди. Узоқ йиллардан бўён осойишта бўлиб келган Бобил даҳшатли низолар гирдобида қолди. Мени курашастан икки партиядан бирининг бошлиғи қилиб тайинлашди. Кадор сизни олиб қелиш учун Мемфисга жўнади. Бу машъум воқеаларни эшитган Гиркания ҳукмдори Бобилга бостириб кирди. Моабдор душман найзасидан ҳалок бўлди, Мисуфа эса асира тушди. Бахтга қарши мени ҳам чирканликлар қўлига тушиб қолдим ва мени ҳам ҳукмдор олдига келтирдилар. Унинг мени мисрликдан гўзалроқ деб билиши Сизга ҳам хуш ёқар, лекин ҳарбий юришлар тугаши билан ёнимга қайтиб келишини айтиши ғашимга тегди. Менинг изтиробларимни бир тасаввур қилиб кўринг-а. Моабдор билан алоқаларим узилган, мен фақат Загидники бўлишим керак эди, аммо бу ваҳшийнинг қўлига тушиб қолдим. Мен маликалардек

тапиридим, бироқ менга оқсочлардек мусомала қилдилар. Гирканлик ҳабаш ҳарам оғасига менинг қўрс, аммо гўзал эканлигимни айтди. Ҳукмдор менинг мурувват кўрсатадиган кунга янада муносиброқ бўлишим учун мен билан маъшуқалари тўғрисида ғамхўрлик қилгандай қайгуришни, асраб-авайлашни ва эркалашни буюрди. Мен унга ўзимни ўлдирман, дедим. У қулиб, бунинг учун хотин-қизлар ўзларини ўлдирмайдилар, бундай дўқ-пўписаларга ўрганиб қолганман деди ва чиқиб кетди.

Задиг ўзини унинг оёқларига ташлаб, кўз ёш тўқди. Малика оҳиста уни қўтарди ва сўзида давом этди:

— Шу тарзда мен варварнинг ўлжаси ва бир хонага қамалган телба аёлнинг кундошига айландим. У менга ўзининг Мисрдаги саргузаштлари ҳақида ҳикоя қилиб берди. Сизнинг Мемфисда эканлигингишга шубҳа қилмадим ва у ерга қочишга қарор қилдим. "Гўзал Мисуфа,— дедим мен унга,— сизнинг қош-қовоғингиз меникига нисбатан анча очиқроқ, Гиркания ҳукмдорини мендан кўра дурустроқ курсанд қила оласиз. Менга қочишга ёрдам беринг, кундошдан қутуласиз". Мисуфа рози бўлди ва мен мисрлик қул аёл билан яширинча қочдим.

Биз Арабистон чегараларига яқинлашганимизда, тўсатдан Арбогад мени тутиб олди ва савдогарларга сотди. Ана шу савдогарлар мени жаноб Огул истиқомат қиладиган қальага келтирдилар. У мени сотиб олди, аммо кимлигимни билмасди. У фақат мазали овқатлар сийиши ҳақида ўйлар, мен уни лаззатли таомлар учунгина яратилган деб ҳисоблардим. У беҳад бақалоқ эди, бўғилиб ўлиб қолиш касали соғлиғига хавф солиб турарди. Табиб гулобда қайнатиб пиширилган калтакссаккина дардига даъво бўлишига уни ишонтирган эди. Кимки унга калтакесакни келтирса, Огул ўша тутқунга уйланишга вайда берди. Бундай бемаъни бахтнинг менга қизиги йўқ. Сизни учратганим учун Тангрига минг-минг шукроналар бўлсин!

Астарта ва Задиг бир-бирларига қалбларидағи эҳтиросларини "совға" қилдилар. Уларнинг сўзлари, ҳатто Зуҳрогача етди.

Хотинлар яйловдан қуруқ қайтдилар. Задиг ҳам унинг олдига келди ва деди: Фалак сизга абадий саломатлик ато этсин. Мен табибман. Бестоблигингизни эшитиб, сиз томон югурдим ва сизга атиргул сувида қайнатиб пиширилган

калтакесак олиб келдим. Мен, албатта, сизга турмушга чиқмоқчи эмасман ва шунинг учун сиздан бир нарсан илтимос қилмоқчиман: яқинда олиб келинган бир бобиллик қул аёлни озод этсангиз. Агар мен оламга машҳур жаноб Огулнинг дардини даволаш баҳтига мұяссар бўлмасам, мени унинг ўрнига қулликда қолдирсинглар".

Таклиф қабул қилинди. Астартә Задигнинг хизматкори билан Бобилга жўнади. У ерга етиб бориши билан Задигнинг олдига чопар юборишга ва Бобилда бўлаётган воқсалар тўғрисида уни зудлик билан хабардор қилишга ваъдә берди. Уларнинг хайрлашувлари ҳам худди учрашувларидек мулойим эди. Одамлар бир-бирларини қайта топаётган ва ажралаётган пайтдаги лаҳзалар инсон ҳаётидаги иккита энг муҳим даврлардир, дейилади буюк Зардустийлик китобида. Задиг маликага ўз муҳаббати учун онт ичди, малика Задигни қанчалик қаттиқ севишини ифодалай олмади ҳам.

Задиг Огулга деди:

— Амирим, менинг калтакесагимни сийш мумкин эмас, унинг шифобахш кучи сизга майда тешиклар орқали ўтиши керак. Мен унинг терисига ҳаво тўлдириб тикканман. Сиз куч билан уни менга отишингиз керак, мен эса қайта сизга отаман ва бир неча кундан кейин санъатимнинг нақадар кучли эканлигини кўрасиз.

Биринчи кун Огулнинг нафаси тиқилиб, ўладигандай кўринди. Келаси куни у озроқ чарчади ва яхши ухлади. Ҳафтадан кейин унга аввалги кучи, соғлиғи, яхши қайфияти қайтиб келди, гўё ўз умрининг энг яхши даврини қайтадан бошлаган эди.

— Сиз тўп ўйнадингиз, овқатдан ва ичимликдан ўзингизни тортдингиз,— деди унга Задиг.— Билиб қўйинг: табиатда бундай калтакесак йўқ, фақат овқатдан ўзини торта оладиган ва ҳаракатчан кишиларгина соғлом бўладилар.

Бу одамнинг тиббиётдан бехабарлигини сезгани учун нақадар хавфли эканлигини кўрган бош табиб дори тайёрловчи билан тил бириткириб, уни нариги дунёга жўнатмоқчи бўлишиди. Шу тариқа бу ерда ҳам унинг ҳалок бўлишига оз қолди: уни катта бир зиёфатда иккинчи таом билан заҳарламоқчи эдилар, лекин биринчисини еб улгурмаган ҳам эдики, Астартадан чопар қелганлигини айтдилар. Задиг ўрнидан турди ва жўнаб кетди. "Кимки гўзал аёл томонидан севилса,— деди буюк Зардўшт,— у бало-қазолардан омон қолади".

ЯККАМА ЯККА ЖАНГЛАР

Бахтсизликка учраган подшоҳларнинг гўзал хотинларини қандай хурсанчилик билан кутиб олсалар, маликани ҳам Бобилдан шундай қарши олдилар. Бобилда тинчлик ўрнатилди. Гиркан ҳукмдори жангда ҳалок этилиб, ғолиб бобилликлар кимни подшоҳ қилиб сайласак, Астарта ўшанга турмушга чиқади, деб эълон қилишди. Улар бу тантанани ҳийла-найрангсиз амалга ошишини истамасдилар. Тахтга ҳам энг жасур ва доно кишини ўтказишга аҳд қилдилар. Шу мақсадда шаҳардан бир неча миль нарида кенг мусобақа майдони бунёд этилди. Даъвогарлар тўлиқ жанговар кийимда келмоқлари лозим эди. Уларнинг ҳар бири учун амфитеатрнинг орқасида алоҳида хона ажратилди. Улар тўрт марта найзада жанг қилишлари, сўнгра ўзаро куч синашишлари керак эди: жанг майдонида қолган сўнгги жангчи туннинг ғолиби саналарди. Яна тўрт кундан сўнг ғолиб сеҳграрлар қаршисида ҳозир бўлмоғи ва уларнинг топишмоқларини топмоғи керак эди. Агар топишмоқларнинг жавобини тополмаса, уни шоҳ қилиб сайлаш мумкин эмасди, мусобақа бошқатдан бошланарди ва ғолиб аниқланмагунча турнир давом этаверарди. Бу пайтда малика қаттиқ назорат остида бўлмоғи керак. Унга фақат бир шарт билан мусобақаларда иштирок этишга рухсат бериларди: унинг юзига чодир тортилган бўлади, фаразгўйлик ёки адолатсизлик имконини бартараф қилиш мақсадида у даъвогарларнинг биронтаси билан ҳам гаплашмайди.

Астарта ана шулар ҳақида севгилисини хабардор қилди ва унинг учун Задиг ҳам энг жасур, ҳам ақлли бўлишга интилади, деб умид қилди. Задиг йўлга отланди, Зуҳро юлдузидан мардлигига мардлик, ақлига ақл қўшишини илтижо қилди. Улуғ кун арафасида Ефрат бўйига етиб келди-да, бошқа исм-шарифда рицарлар рўйхатига ёзилди. Сўнг қоидага биноан, ўзига ажратилган хонага жўнади. Кадор уни Мисрда қидириб тополмагач, Бобилга келди ва малика юборган қуроласлаҳани Задигнинг хонасига етказди. Задиг буларни Астарта юборганинги тушунди: кучига куч қўшилди, муҳаббати эса янги орзу-умидлар билан қанот қоқди.

Келаси куни, малика қиммат баҳо тошлар билан безатилган чодир остига келиб ўтиргач, амфитеатрлар

Бобил хонимлари, амалдорлар ва шаҳарликлар билан тўлгач, рақиблар майдонга чиқдилар. Ҳар бир жангчи бош коҳинга ўз муҳрини топшириди. Қуръа ташладилар. Задигнинг муҳри энг охирида чиқди. Майдонга биринчи бўлиб Итобад исмли қандайдир бир бадавлат киши чиқди; у ҳовлиқма, бесўнақай ва калтафаҳмоқ одам эди. Унинг ювинидихўрлари сен подшоҳ бўлишинг керак деб ишонтиришар ва у ҳаммавақт: "Ҳа, мендек одам ҳукмдор бўлиши лозим", — деб такрорларди. Уни бошдан оёқ қуроллантиришганди: олтин қурол-аслахасининг кўк сири қуёшда ярқирап, дубулғасининг кўк парлари шамолда ҳилпирап, наизасини кўк миталар безаб турарди. Унинг отни бошқаришини кўрганлар Бобилнинг салтанат ҳассаси унга насиб этмаслигини дарров англадилар. Биринчи рақиб уни эгардан уриб туширди, иккинчи жангчи от сағрисида оёғини осмондан келтирди. У яна отга ўтирди, аммо эгарда қийшайиб ўтиргани кишиларнинг хаҳолаб қулишига сабаб бўлди. Учинчи рақиб эса, катта наиззани ишлатишни эп кўрмади, Итобаднинг ҳужумига чап бериб, уни ўнг оёғидан тутиб қум устига улоқтириб юборди. Унинг қуролбардорлари кулганларича югуриб келишиб уни яна эгарга ўтказишиди. Тўртингчи рицар Итобадни чап оёғидан олди ва бошқа томонга улоқтирди. Томошабинларнинг қийчуви остида, хонасига келтиришганларида, у зўрға судраларкан: "Мендек кишига омад қулиб боқмади-я!", — деб афсусланарди.

Бошқа рицарлар ўз вазифаларини яхши бажаришди. Баъзилари кетма-кет иккита рақибни, баъзилари эса ҳатто уч рақибини мағлуб этишди. Фақатгина шаҳзода Отам тўрт рақибини ҳам снгди. Ниҳоят Задигнинг навбати келди: у тўртта рицарни фавқулодда чапдастлик билан эгардан уриб туширди. Энди ҳамма нарса икки кишидан бирининг ё Отам, ё Задигнинг голиб чиқишига боғлиқ эди. Отамнинг қурол-аслахаси олтин нақшли, зангори рангда ва бошидаги дубулғаси ҳам зангори эди. Задигники эса оқ рангда эди. Томошабинлар икки гурӯҳга бўлиндилар: бир гурӯҳ зангори рицарга, иккинчиси эса оқ рангдагисига омад тиларди. Малика юраги тўхтаб қолгандай, ўзини лоҳас сезаркан, Задигга омад бер, деб Тангрига илтижо қиласарди. Жангчилар бир-бирларига шиддат билан ташланишар, чаққонлик билан зарбаларга чап берардиларки, маликадан бошқа ҳамма тахтга икки

кишини ўтқазишга рози эди. Ниҳоят, отлар ҳолдан той-иб, найзалар сингач, Задиг айёрликка ўтди: у зангори рицарнинг орқа томонидан отининг устига сакраб, белидан тутди ва ёрга улоқтириб юборди. Сўнгра, эгарга ўтириб олиб, ерда ястаниб ётган рақибининг атрофида гир айланана бошлади. Бутун майдон: "Ғалаба оқ чавандозники!!— деся ҳайқирди. Дарғазаб Отам ўрнидан сакраб турди-да, қилични суғурди. Задиг ҳам отдан тушиб қиличини олди. Қайтадән жанг бошланди.

Дубулғаларнинг парлари, турли безаклар, совутларнинг халқалари шиддатли зарбалар остида сочилиб тўзиб кетди. Рицарлар ўткир қилич учи ва тиги билан гоҳ чапга, гоҳ ўнгга урадилар, гоҳ бошни, гоҳ кўкракни мўлжалга олардилар, орқага чекиниб, яна яқинлашар, илон сингари эгри-буғри бўлиб кетардилар, шер сигари бир-бирларига ташланардилар. Қиличларнинг зарбаларидан олов чақнайди. Задиг бор кучини йиғиб, рақибини срга йиқитди ва уни қуролсизлантириди.

— Эй, оқ рицар!— қичқирди Отам. — Сиз Бобилнинг ҳукмдори бўлмоғингиз керак!

Хурсандликдан маликанинг боши осмонда эди. Оқ рицарни ҳам, зангори рицарни ҳам, тартибга биноан, бошқа даъвогарлар қаторида, ўз хоналарига олиб келдилар. Таом келтирилди ва гунг қуллар уларга хизмат қилдилар. Задигга маликанинг миттивойи хизмат қилди: буни тушуниш осон. Сўнгра уларга эртаси эрталабгacha ўз хоналарида танҳо ухлаб дам олишларига имкон бердилар: ғолиб ўз номини олий коҳинга айтадиган вақт келгунинга қадар дам олиши керак эди. Задиг, чарчоқдан ухлаб қолди. Лекин ён хонадаги Итобаднинг сира уйқуси келмади. Кечаси у ўрнидан туриб, Задигнинг хонасига кирди-да, унинг оқ яроғ-аслаҳасини, муҳрини олиб уларнинг ўрнига ўзиникини қолдирди.

Тонг отгач, Отам олий коҳиннинг ҳузурига борди ва фурур билан "— Голиб мендан бошқа ҳеч ким эмас", деди. Бу ҳамма учун ҳеч кутилмаган ҳодиса эди, бироқ қонунга биноан уни ғолиб деб эълон қилдилар. Задиг ҳамон уйқуда эди. Ҳайратга тушган ва ноумид бўлган Астарта Бобилга келди. Задиг уйғонган пайтда амфитеатр деярли ҳувиллаб қолганди. У зангор қурол-яроғларни кўриб ҳайрон бўлди. Бошқа кийим ўйқ эди. Задиг ноилож зангори кийимда майдонга келди. Амфитеатр ва майдонда қолганларнинг барчаси уни хуштак

чалиб қарши олдилар. Уни ўраб олишди ва ҳақорат қила бошлишди. Ҳеч қачон инсон боласи бундай таҳқирланишни кўрмаган бўлса керак. Ниҳоят, сабр косаси тўлгач, у қўлда қиличи билан ҳақоратчиларни қувишга мажбур бўлди. У маликани кўролмас, фош бўлишидан қўрқиб, оқ қурол-яргларини қайтариб беришларини ҳам талаб қилолмас эди. Малика ғам-алам билан ўртанаётган бўлса, Задиг ғазаб ва изтироб ўтида ёнарди. У мен толеи паст юлдуз остида туғилганман, деб ўксинарди. "Мана кеч уйғонишнинг оқибати,— деди ўзига-ўзи, эртароқ уйғонганимда, Бобил шоҳи ва Астартанинг эри бўлардим. Менинг донишмандлигим, соғдиллигим, жасурлигим ҳар доим менга баҳтсизлик келтирмоқда. У ҳатто тангридан ҳам нолиди, уни дунёни яхшиларга жабр ўтказувчи ва ифлосларга ҳомийлик қилувчи деб аташга тайёр эди. Кулгига сабаб бўлган зангори қурол-аслаҳани бир савдогарга арzonгаровга пуллаб, ўзига халат ва узун қалпоқ сотиб олди. Ана шу либосда Ефрат қирғоги бўйлаб борар экан, уни таъқиб этган тақдирни лаънатларди.

ҚАЛАНДАР

Йўлда кетаётib Задиг оппоқ ва келишган соқоллари белигача тушган қаландарни учратди. Чол диққат билан китоб ўқирди. Задиг тўхтади ва унга чуқур таъзим қила туриб, суҳбатлашиш иштиёқида ундан: "Қандай китоб ўқияпсиз?" деб сўради.

— Бу тақдирлар китоби,— деди қаландар. — Ундан бирон нарса ўқишини хоҳлайсизми?

Задиг китобни олди, аммо кўп тилларни билишига қарамасдан, унинг биронта сўзини ҳам тушунмади.

— Назаримда анча хафа кўринасиз?— деди қария.

— Ҳа, шундай. Бунинг сабаблари кўп,— жавоб берди Задиг.

— Йўқ демасангиз сизга ҳамроҳ бўлмоқчиман. Бундан афсусланмайсиз: мен баъзан дардли юракларга малҳам бўламан. Қаландарнинг юзида, сўзларида олий донишмандлик нишонаси бордай эди. У тақдир, адолат, олий баҳт-саодат, инсоннинг заиф томонлари, зэгулик ва иллат борасида гапиарarkan, Задиг унга нисбатан ўзида енгиб бўлмас интилиш сезди. У қариядан Бобилга

қайтгунларича ёлғиз ташлаб кетмасликни илтимос қилди.

— Бу мурувватни ўзим сиздан сўрамоқчи эдим,— деди қаландар. Оромазд номидан қасам ичинг, мен нима қиласын, бир неча кун давомида мени ташлаб кетмайсиз.

Задиг ваъда берди ва улар биргаликда йўлда давом этдилар. Кечқурун икки сайёҳ ажойиб қальага етиб келдилар. Қаландар бошпана сўради. Катта бир хўжайнинг кўринган хизматкор такаббурона нигоҳ билан уларни ичкари киритди ва хўжайнинг муҳташам хоналарини кўрсатди. Кечки овқат пайтида уларни столлинг охирига ўтиргиздилар, хўжайн уларга парво ҳам қилмади. Ваҳоланки, уларни ҳам бошқалар каби қуюқ зиёфат қилдилар. Юваниш учун уларга зумрад ва ёқутлар билан безатилган олтин тогорада сув, ётиш учун гўзал хонадан жой қилиб беришди. Эртасига хизматкор уларнинг қўлларига бир донадан олтин тутқазди. Шундан сўнг, уларга жавоб бердилар.

— Уйнинг эгаси,— деди Задиг йўлда,— менимча, бироз кибр-ҳаволи бўлса-да, олижаноб одам кўринади; унинг меҳмондорчилиги жуда олиҳимматли бўлди.

Қаландарнинг чўнгати қаппайиб турарди. Задиг кўзининг қири билан унда олтин тогорани кўрди. Қариянинг қўли эгрилиги уни жуда-жуда ажаблантириди, лекин бирон нарса дейишга журъят этолмади.

Пешинларга яқин қаландар кичикроқ бир уйнинг эшигини қоқди, у ерда хасис бой яшаркан, ундан бир неча соатга бошпана сўради. Юпун кийинган кекса хизматкор уларни қўпол қабул қилди: отхонага бошлаб бориб, бир нечта чириган зайдун, панглаган нон ва ачиган пиво келтирди. Қаландар кечагидан кам бўлмаган иштаҳа билан овқатланди, ичди, кейин бошида тик турган кекса хизматкорга ўгирилди-да, иккита олтин танга берди, сўнг хизмат учун ташаккур билдириди.

— Ижозат берсангиз, хўжангиз билан икки оғиз гаплашсам,— деди у охирида.

Ажабланган хизматкор икки сайёҳни унинг ҳузурига киргизди.

— Мурувватли жаноб,— деди қаландар,— олижаноб меҳмоннавозлигингиз учун миннатдорчилигимнинг рамзи сифатида ушбу олтин тогорани қабул қилишингизни сўрайман.

Хасиснинг тиз чўкишига оз қолди. У хушини йиғиб олишга улгурмасданоқ, қаландар ёш ҳамроҳи билан дарров жўнаб кетди.

— Отахон,— деди Задиг,— буни қандай тушуниш мумкин? Сиз ҳеч ҳам бошқаларга ўхшамайсиз, сизни қайил-мақом меҳмон қилган хўжанинг қимматбаҳо тошлар билан безатилган тоғорасини ўғирлайсиз ва уни сизни номуносиб қабул қилган бир хасисга совға қиласиз.

— Ўғлим,— деди қария,— ана у такаббур йўловчиларни фақат мақтаниш ва ўз бойликларини кўз-кўз қилиш мақсадида қабул қиласиди, унинг энди анча ақли кирди, хасис эса меҳмондорчиликни ўрганади. Ҳеч нарсага ажабланманг ва мен билан юраверинг.

Задиг бу одамнинг кимлигини — ўта беақлми ёки ўта донишмандми — тушунолмай овора эди. Лекин қаландар шундай қатъият билан гапирдики, уни ташлаб кетишига Задигнинг юраги дов бермади, бунинг устига унга ваъда ҳам берган эди.

Кечқурун улар гўзал меъморчилик услубида қурилган, лескин оддий бир уйга етиб келдилар; у ерда исрофгарчилик ҳам, қурумсоқлик ҳам сезилмасди. Уй эгаси файласуф бўлиб, турмуш ишларидан узоқлашган, ўзини тўлиқ эзгу ва оқил ишларга бағищлаган, лескин шунга қарамасдан сира ҳам зерикмайдиган киши экан. У бу бошпанани катта ҳафсала билан қурдирган, у срда ажнабий кишиларни ўзига бино қўймасдан қабул қиласди. Иккала йўловчини унинг ўзи кутиб олди ва уларни ҳордиқ чиқариш учун шинам бир хонага бошлаб борди. Бир оздан кейин уларни озода ва мазали тайёрланган кечки овқатга таклиф қилди, овқат пайтида кейинги пайтларда содир бўлган воқсалар ҳақида вазминлик билан гапирди. Афтидан, у маликага жуда содиқ кўринар ва тожга даъвогар сифатида майдонга Задиг ҳам чиқса, яхши бўларди деб ҳисобларди.

— Лескин одамлар,— қўшиб қўйди у,— бундай шоҳга арзимайдилар.

Бу сўзлардан Задиг қип-қизарив кетди ва ўз баҳтсизликларини янада кучлироқ ҳис қилди. Суҳбатнинг охирида улар яқдиллик билан бу дунёнинг ишлари энг донишманд кишилар хоҳлагандек юз бермаслигини тан олдилар. Қаландар эса доим тақдирнинг йўлларини ҳеч ким билмайди, зифирдай нарса юзасидан бир бутунлик

тўғрисида ҳукм чиқармоқчи бўлганлар ноҳақ, деб тақрорларди. Эҳтирослар тўғрисида сўз кетганда:

— Улар нақадар ҳалокатли! — нидо қилди Задиг.

— Эҳтирослар — кемаларнинг елканларини тўлдирадиган шамол,— деди қаландар. Баъзан улар кемаларни чўқтирадилар, лекин елканларсиз кема сузолмайди. Сафро инсонни ғаш ва касал қиласди, аммо сафросиз у яшай олмайди. Бу дунёда ҳамма нарса — ҳавфли, ҳамма нарса зарур.

Кайф-сафо тўғрисида гапирдилар: қаландар ҳузур-ҳаловат бу оллоҳнинг марҳамати деб исботлай бошлади.

— Бунинг боиси шуки, инсон ўзига ўз ҳиссиётларни ҳам, фикр ҳам беролмайди, бунинг ҳаммасини у олади. Мусибат ва масрурлик, худди ҳаётнинг ўзидек, четдан келади.

Задиг шунча телба-тескари ишларни қилган бу одамнинг соғлом фикрлилигини кўриб ҳайрон бўларди. Ниҳоят, ибратли ва ширин суҳбатдан кейин уй эгаси уларни хонага кузатиб қўйди ва бундай донишманд ва яхши фазилатли меҳмонларни юборгани учун тангрига шукроналар айтди. У шундай очиқ кўнгиллик ва олихимматлик билан пул таклиф қилди, бу билан Задиг ва қаландар ўзларини ҳақоратланган деб ҳисоблай олмасдилар. Қаландар пулни рад қилди ва тонг отмасдан Бобилга жўнайман, шунинг учун сиз билан хайрлашмоқчиман, деди. Хайрлашув жуда илиқ бўлди, бундан хусусан Задиг таъсирланиб, бу одамга ҳурмати ошди ва уни ёқтириб қолди.

Қаландар ва Задиг улар учун тайёрланган хонада қолишгач, уй эгасини узоқ мақтадилар. Тонгда қария ўз ҳамроҳини уйғотди.

— Жўнайдиган вақт бўлди,— деди у Задигта. — Ҳозир ҳамма уйқуда, мен бу одамга унга бўлган ҳурматим ва содиқлигим далилини қолдирмоқчиман. — Шу сўзларни айтиб, у машъалани олди ва уйга ўт қўйди.

Задиг қаттиқ қичқириб юборди ва унга бу даҳшатли ишни амалга оширишга ҳалал беришга шошилди. Бироқ қаландар гайри табиий куч билан уни судраб кетди. Уй олов ичра қолган эди. Ўз ҳамроҳи билан анча узоқлашган қаландар ёнғинга бемалол қараб турарди.

— Худога шукур,— деди у,— хўжамизнинг уйи батамом вайрон бўлди! Бахтли одам!

Задигнинг кулгиси келди, ҳам қўпол сўзлар билан уни сўкмоқчи, урмоқчи ва ундан қочиб кетмоқчи ҳам бўлди. Лекин буларнинг биронтасини ҳам қилмади, ўз иродасига қарши қаландарнинг тароватига бўйсуниб, оҳиста унинг орқасидан сўнгти қўнар жойга борди.

Улар кўнгли юмшоқ ва қимматли бир бева аёлнинг уйига келдилар: беванинг ўн тўрт ёшлардаги, бичими келишган ва унинг ягона умиди бўлган жияни бор эди. Бева аёл уларни меҳмондорчиликнинг барча қоидалариға мувофиқ қабул қилди. Эртасига у жиянига меҳмонларни яқиндагина бузилган ва пиёдалар учун хавфли бўлиб қолган кўприккача кузатиб қўйишни топшириди. Ёш йигитча, шошилиб олдинда борарди. Улар кўприкнинг устига чиқишиш, қаландар унга деди:

— Яқинроқ келинг, мен аммангизга миннатдорчилик билдиromoқчиман,— бу сўзларни айтишиб, боланинг сочидан тутди ва уни дарёга улоқтириди. Бола сувга ииқилиб, шиддатли оқимда кўринмай кетди.

— Эй шафқатсиз! Инсон зотининг газандаси!— бақирди Задиг.

— Сиз менга бардошли бўлишга ваъда бергандингиз, деди қаландар,— билиб қўйинг, тангрининг иродаси билан уй эгаси харобалар остидан ҳисобсиз бойлик топди, бола бир йилдан сўнг аммасини, икки йилдан сўнг сизни ўлдириши керак эди.

— Ким айтди буни сенга, ёвойи?— қичқирди Задиг.

— Ҳа, агар буни сенга тақдирлар китоби айтган бўлса ҳам, бирон бир ёмонлик қилмаган болани сувга чўқтиришга сенга ким ҳуқуқ берди?

Бу сўзларни айтишиб, бобиллик тўсатдан қариянинг соқоли йўқолганини ва юзининг ёшариб кетганини кўрди. Қаландарнинг кийимлари ғойиб бўлди, тўртта гўзал қанот унинг нур ёғилиб турган баданини бекитди.

— О, самовий элчи! О, илоҳий фаришта!— қичқириб юборди Задиг ер ўпашиб. — Демак, сен заиф ҳом сут эмган бандага абадий қонунларга бўйсунишни ўргатиш учун осмони фалакдан тушдингми?

— Одамлар,— жавоб берди унга фаришта Иезрад,— ҳеч нарса билмасдан ҳамма нарса тўғрисида ҳукм чиқарадилар. Сен бошқалардан кўра кўпроқ илоҳий ваҳийга муносибсан.

Задиг гапиришга изн сўради.

— Мен ўз фаҳм-фаросатимга ишонмаяпман,— деди у,— битта шубҳани бартараф қилишингни сўрасам бўладими: бу болани чўктирмай, уни тўғри йўлга солса ва эзгу ишлар соҳиби қилса бўлмасмиди?

Иезрад эътиroz билдириди:

— Агар у яхши фазилатли киши бўлиб яшайверганида, тақдир унга уйланадиган хотини ва ундан тўғилажак ўғли билан биргаликда ўлдирилишни тайинлаган бўларди.

— Нима!— деди Задиг,— демак, жиноят ва мусибат муқаррарми? Яхши одамларнинг баҳтсизлиги ҳам муқаррарми?

— Баҳтсизлик,— жавоб берди Иезрад,— ҳамиша ёвузларнинг насибасидир: унинг ёрдамида ер юзига ёйилган оз сонли ҳақиқатгўйларни синовдан ўтказдидар.

— Агар умуман разолат бўлмаса ва бу дунёда фақат эзгулик ҳукм сурса нима бўлади?— сўради Задиг.

— Унда,— жавоб берди Иезрад,— бу дунё бошқа дунё бўлган бўларди. Лекин бундай мукаммал тартиб абадий олий мавжудот бўлган жойдагина мумкин; бу мавжудотга разолат яқинлаша олмайди: у бир-бирига сира ўхшамайдиган миллионлаб оламларни яратган, чунки чексиз хилма-хиллик унинг чегараси йўқ қудратининг белгиларидан биридир. Ерда айнан ўхашаш бўлган иккита дараҳт барги, кўз илғамас иккита юлдуз йўқ: сен туғилган кичик заррада кўриб турган нарсларнинг барчаси, ҳамма нарсани қамраб оловчининг тартибларига биноан, ўз жойида ва ўз вақтида бўлмоғи зарур. Одамлар бола сувга тўсатдан тушиб кетди, уй ҳам тасодифдан ёниб кетди, деб ўйлайдилар, аммо тасодифлар йўқ — бу дунёда ҳамма нарса ё синов, ё жазо, ё мукофот, ё олдиндан айтиш. Ўзини дунёда энг баҳтсиз деб ҳисоблаган балиқчини эслаб кўргин! Оромазд сени юборди, сен унинг тақдирини ўзгартириб юбординг. Ночор банда, нолимоқни бас қил!

— Лекин...— бошлади Задиг, аммо бу пайтда фаришта ўнинчи осмонда учиб бораётган эди.

Задиг тиз чўкди ва Тангрига ибодат қилди ва унга бўйсунди.

Фаришта унга қичқирди:

— Бобил томон йўлга туш!

ТОПИШМОҚЛАР

Изтиробда қолган Задиг тўғри келган томонга юради. У Бобилга даъвогарлар топишмоқларни топиш ва олий коҳиннинг саволларига жавоб бериш учун саройнинг катта залига йигилган кунда кириб келди. Зангори қуроласлаҳдан ташқари ҳамма рицарлар шу ерда эди. Задиг шаҳарда пайдо бўлиши билан уни оломон ўраб олди. Кўзлар унга қараб тўймасди, одамлар уни дуо қилишар, унга подшоликни тилашарди. Ҳасадчи уни кўриб чўчиб тушди ва юзини ўгирди. Халқ уни қўлида кўтариб йиғилишининг эшигигача олиб борди. Маликага унинг келганлиги тўғрисида хабар берганларида, унинг қалби қўрқув ва умид азобида қийналди. У таҳликада қолганди: нима учун Задигнинг қуролсиз эканлигини ва қандай қилиб Итобад оқ яроғ-аслаҳасини қўлга киритганини тушунолмасди. Задиг пайдо бўлиши билан қандайдир тушуниб бўлмайдиган шов-шув кўтарилди. Уни кўриб ҳайрон ва хурсанд эди, аммо йиғилишда иштирок этиш фақат мусобақа қатнашчиларига рухсат этилганди.

— Мен ҳам жанг қилганман,— деди Задиг,— аммо бошқа одам яроғ-аслаҳамни кийиб олган, мен буни исботлаш онини кутмоқдаман, шундан сўнг менга топишмоқларни топиш мусобақасида қатнашишга ижозат беришларингизни сўрайман.

Овоз йигдилар: унинг ўта софлиги ҳали иштирокчиларнинг хотирасида эди, шунинг учун илтимосини яқдиллик билан қондирдилар.

Олий коҳин аввал шундай савол берди:

— Дунёда энг узун ва энг қисқа, энг тез ва энг секин нарса нима, нима осонлик билан чексиз кичик миқдорларга ва чексиз катта миқдорларга ўтади, нимага кўпинча бепарволик билан қарайдилар ва бунга кўп афсусланардилар, нимасиз ҳеч бир ишни бажариш мумкин эмас, ҳамма арзимас нарсаларни ютиб юборувчи ва барча буюк нарсаларни тирилтиргувчи нима?

Итобад биринчи бўлиб жавоб берди: унингдек бир киши бундай топишмоқларда ҳеч нарса тушунмас ва қўлда найза билан ғолиб чиқса бас эмиш. Баъзилар баҳт ҳақида дейишса, бошқалар — ер, яна бировлар нур ҳақида дедилар. Задиг гап вақт ҳақида бормоқда деди.

— Сабаби,— қўшди у.— Дунёда ундан узун нарса йўқ, чунки у чексизлик ўлчови, унда қисқа нарса йўқ,

чунки режаларимизни амалга ошириш учун у стишмайди, кутувчи учун ундан секин, роҳат-фароғатдаги одам учун ундан тез нарса йўқ; у буюкликда чексизликка эришади ва чексиз кичик бўлакларга бўлинади: одамлар унга беспарводирлар — йўқотгач, афсусланардилар, ҳамма нарса замонда содир бўлади, у номақбул нарсаларни авлодлар хотирасидан ўчириб ташлайди ва буюк нарсаларга абадийлик баҳш этади.

Ҳамма Задигни ҳақ деб тан олди. Шувудан кейин топишмоқ берилди:

— Одамлар миннатдорчилик билдирамасдан нимани оладилар, нимадан ўйламасдан фойдаланадилар, беҳушликда бошқаларга нима берадилар ва ўзлари сезмаган ҳолда нимани йўқотадилар?

Ҳар ким ўз фикрини айтди, лескин ёлғиз Задиггина тўғри жавоб берди: — Бу ҳаёт, деди у. Бошқа топишмоқларга ҳам осонлик билан жавоб қайтарди. Итобод эса мақтанишдан нарига ўтмади. Задиг адлия, олий баҳт, мамлакатни бошқариш санъати юзасидан берилган саволларга ҳам тўғри жавоб берди.

— Афсус, афсус,— дейишарди барча,— шундай закий ёмон жангчи бўлиши мумкинми?!

— Эй, машҳур жаноблар!— деди Задиг. — Мен жанг майдонида ғолиб бўлгандим. Оқ қурол-аслача менини. Ухлаб ётганимда, Итобад қурол-аслаҳаларимни ўғирлаб олди. Сизларнинг олдингизда унинг бутун оқ қурол-аслаҳасига қарши битта қилич билан майдонга чиқишга розиман!

Итобад даъватни ўзига ишонган ҳолда қабул қилди. У осонгина ғалабага эришаман деб ўйларди: у жанговар ҳолатда — дубулға совут, зирҳланган снгларда кийинганди, рақиби эса туниги халатда эди. Задиг маликага таъзим қилгач, қиличини ялангочлади; малика унга рўй бераётган нарсаларга қувонч ва қўрқув аралаш қараб турарди. Итобад ҳеч кимга бош ҳам эгмасдан қиличини суғурди. У гўё ҳеч нарсадан қўрқмайдиган кишидай, рақибининг бошини чопиб ташлашни мўлжаллаб, Задигга ташланди. Задиг зарбани қайтариб, рақиби қиличининг сопига қилич урди: Итобаднинг қиличи иккига бўлиниб кетди. Шунда Задиг ғанимини қучоқлаб олиб, ерга ағдарди-да, қиличининг учини совутнинг очиқ жойига тираб, қичқирди:

— Таслим бўлинг, акс ҳолда мен сизни ўлдираман!

Итобад ундан бир кишининг омади юришмаганидан ҳайрон булиб, қаршилик кўрсатмади ва Задиг ундан оаманлихотир ўзининг гўзал дубулғаси, ажойиб совути, чироили қўл зирҳи, ялтироқ пичоқларини ечиб олди, уларни ўзи кийди, ва ана шу кийимда югуриб бориб Астартанинг оёқларига ўзини ташлади. Кадор қурол-яроғнинг Задигники эканлигини осонгина исботлайди ва у бир овоздан подшоҳ қилиб сайланди, бундан айниқса Астарта бағоят сархуш эди, чунки шунча синовлардан сўнг ҳамма Задигни унга муносиб умр йўлдош деб топди. Итобад ўз уйидагиларга унга жаноб деб мурожаат қилишларини буюрди ва шу билан ўзини овутди. Задиг подшоҳлик тожини кийиб, баҳтиёр бўлди. Фаришта Иезрад айтган нарсаларнинг барчасини ёдидан чиқармади. У олмосга айланган қум заррасини ҳам ёдидатутарди. Малика билан биргаликда тақдирларига шукроналар айтдилар.

Задиг гўзал ва танноз Мисуфага озодлик ҳадя қилди. Қароқчи Арбогадни топиб, қўшинига қўмондон қилиб тайинлади; ҳалоллик билан хизмат қилса, олий мансабга кўтаришини, йўлтўсарлик билан шуғулланса, осинини таъкидлади.

Седок Альмана билан биргаликда Арабистондан чақиритириб олинди ва Бобил савдо ишларининг бошлиги қилиб тайинланди. Кадор хизматига яраша мукофотланди ва унга навозишлар кўрсатилди: у шоҳнинг ягона дўсти бўлиб қолди. Кичик миттивой ҳам унтилмади. Балиқчига чироили бир уй бердилар, Орканни кўп пул тўлашга, балиқчининг хотинини қайтариб беришга мажбур қилдилар. Бироқ анча ақлли бўлиб қолган балиқчи фақат пулларни олди.

Задигнинг гўё бир кўз бўлиб қолганига ишонган Замира ҳеч таскин тополмасди, Азора эса унинг бурнини кесмоқчи бўлгани учун пушаймон эди. Задиг катта-катта тухфалар билан уларнинг изтиробини юмшатди. Ҳасадчи хусумат ва шармандаликтан ўлди. Давлат роҳат-фароғатда, шону-шуҳратда ва тўқчиликда яшади. Бу ср юзининг энг гўзал аспи эди: унга адолат ва муҳаббат раҳнамолик қиласарди. Ҳамма Задигни дуо қиласарди, Тангрига шукроналар айтарди.